

KORINT DILAG NAI 1 PAULUS YOM

PAULUS NUG KAYAKNU ENA HEME AUM

¹ Da Paulus, Kayak Nug da onilpa eum, da Kayak oo niit  bia Kristus Jesusnu totol danab daat m, da amu ig lainig Sostenis ele ² i nai imu ad udugpa yaat p. I kristen tamaniak Korint daat b, ahilagnu yaat p. Kristus Jesus Nug ad emaitakpa udat na  heum amupa ag Kayaknunab danab ah daat b. Nug ag opia awak daaglagnu ag onilagpa eum. Amge Nug agib onilagpa ii eum. Iita! Nug danab ah oh ag wan atu ohpa daana, ag Na  Jesus Kristus onigpaunuqid b amu, ag oh onilagpa eum. Jesus amu Nug am ag ig ele, ig oh ihinig Na  daat .

³ Amu ig Mamenig Kayak, amu ihinig Na  Jesus Kristus ele, ahilah ehani k ok ai hamu megtep amu, ahilah ma d  ele ahilagpa daaglahnu oonih daate.

⁴ Kayak Nug Kristus Jesusnu udat okaipa Nug ag nuhig ehani k ok ai hamu megte, Nug ag amu ma tom amunu da haen oh Nug amegpa amunu, "Ena heme," awe at m. ⁵⁻⁶ Ag Jesusnu nai doon, gagat g adaeg u , ade  batom amu Kayak Nug melemel amupa nai mehuqaknu amu keeke doyaknu ele amu ag gagat g mat m. Nug ag anam ma tom amunu da Nug amegpa, "Ena heme," awe at m. ⁷ Nug gagat g amu ag mat m amunu ag Jesus Kristus, Nug geha miag atieb anid kulagnu ameg menana, tapadidna daanna, ag Kayaknu udat hekulagnu gagat g laanu amu tutu ii met b. ⁸ Jesus

Kristus Nug ag gemu ehanadte amu Nug anamib heeb ukeb, haen malakpa bataku amunu nuhig dedpa ag Kayak noobpa, ag danab bedulagpa nai iita daaglag. ⁹ Kayak, Nug adi hekunu ate amu Nug hete, Nug nuka ag Nug beka Jesus, ihinig Nadi, Nug ele laipu daaglagnu tituanatom.

TAMANIAK OOPA OBATAK OBATAK DAYOM

¹⁰ O lailad, da Jesus Kristus onigpa ag unuqadtem. Ag oolag laipu dayeg! Ag aib awa awa qetak nai madipig. Iita, ag oolag laipu ele udat hekulagnu dab mekulag. ¹¹ O lailad, Klowi baekudpanu laa ag da amelpa ag oolagpa a ona a doak laala beeg daateb amunu aeg doom. ¹² Da a ona a doak kobolnu matimi amu, da imunu ami. Ag oh ameg pide pide opatna daanna, nai aeg ona aeg dote. Ag anam henana amu laa nug, “Da am Paulus dim lamidtem,” awa aawo amu laa nug, “Da Apolos dim lamidtem,” awa ate. Amu laa nug, “Da am Petrus dim lamidtem,” awa aawo amu laa nug, “Da am Kristus dim lamidtem,” awa ate.

¹³ Ag anam anam maditeb amge Kristus Nug am opatak kudum elete? Iita! Am da ag ehanate, ad emaitakpa mauhmite? Iita! Am ag Paulus onigpa layatak aopigte? Iita! ¹⁴ Am da ag oolagpa Krispas Gaias eleib layatmi, danab laa oh ag iita amunu da ool gamag ahate. ¹⁵ Adinu? Danab laipu laa nug amunu inam akunu elele iita. “Da am Paulus onigpa layatak aomi.” ¹⁶ (Laa ele, da Stepanus baekudpa ag ele am da layadmi, da laa ele laaidmitai o iitatai am, da daulpa ii daate.) ¹⁷ Kristus Nug da danab layadkulnu meide ii udimi. Iita. Da Nai Ena amu mehuqkulnu he udimi. Amge

da wan imupan doyak danab nai madiṭeb bia da nai ii mehuqmi. Am da nai anam, ag madiṭeb bia mehuqlom amu, Kristusnu ad emaitak amu keeke hamu bia daalo amunu da amubia ii hemi.

KRISTUS NUG AMU KAYAKNU GAGATAG

18 Amu danab ag oolagpa genab ii dooṭeb ele, ag ad emaitaknu nai dab menan, nai amunu ag ahilag dab makpa, “Amuam kaaka nai,” aon ateb. Amge ig danab ah, Kayak Nug ig eđua awikom ele amu, ig ad emaitak nainu, “Amuam Kayaknu gagatag,” aot atem. **19** Nai amunu Kayak naipa, nai laa daaṭe. Nai amuam inam. “Da geha doyak danab dilag doyak amu hepi nauhebeb, am geha da danab dab mak ele dilag dab mak diigdiig kudum amu ele okulkul.”

20 Amunu doyak danab nug atemun? Do mehuqak danab nug ele am atemun? Atemun wan danab nug ode alala ebate? Kayak Nug wan danabnu doyak amu he, nai amu kaaka iite daaṭe? **21** Wan danab ag aka Kayaknu doyak aoglagnu am elele iitä, ahilag doyakpa aoglagnu am ib iitä. Kayak, Nug doyak okai nuhigpa amu Nug anam daakunu ena anta, Nug ib amu oo neum. Amge Kayak Nug danab ah edua diikunu ib iiku babaitom. Ag ad emaitaknu Nai Ena ig mehuqtem amu doona, ag Kristusnu oolagpa genab dooglag amu Kayak Nug edua diiku. Danab laa ag Nai Ena amunu amu ag, “Kaaka nai,” aon ateb. **22** Am Juda danab ag am kobol danab hekunu elele iitä amu anidkulagnu gagatag wagai meegeg, Grič danab ag am doyak aoglagnu wagai meteb **23** amge ig ib adit amupa ii gotem. Iitä! Ig Kristus

ad emaitakpa mauhom amunu nai mehuqt̄em. Ig anam mehuqutut, Juda danab ag nai amunu ag ehed doon, ag keked meṭaegeg, Grik danab ag nai amunu, “Kaaka nai,” aon anana, ii aot̄eb. ²⁴ Juda amu Grik danab ele ag anam het̄eb amge ig danab, Kayak Nug oninigpa et̄e doot̄em ele amu, ig Juda danab amu Grik danab ele, ig doot̄em, Kristus Nug am Kayaknu gagat̄ag amu Kayaknu doyak ele. ²⁵ Kayak Nug keeke oh doote amunu Nug adi keeke laa het̄e, danab ag amunu, “Kaaka,” aon at̄eb amu, Kayaknu dab mak amu nug danab dilag doyak oh edidte. Aria Kayak keeke oh hekunu gagat̄ag ele amunu Nug adi keeke laa het̄e, danab ag amunu, “Gagat̄ag iita,” aon at̄eb amu, Kayaknu gagat̄ag amu nug danab dilag gagat̄ag oh edidte.

²⁶ Amu o lailad, imu am ag daulagpa doad! Kayak Nug anuka ag kristen daaglagnu onilagpa eum, haen amupa ag oolagpanu danab kuđum ag wanpanu doyak okai iita, ag kuđum amu onilag iita, amu gumak danab ele kuđum iita. ²⁷ Amge ag amunu aib otaipig. Kayak Nug kobol laala, wan danab ag amunu, “Kaaka kobol,” aon at̄eb ele amu, Nug doyak danab amu ag uđalag nekunu, kobol amu tituanatom. Keeke wan danab ag amunu, “Keeke gagat̄ag iita,” at̄eb ele amu, Kayak Nug danab gagat̄ag ele amu, ag uđalag nekunu keeke amu tituanatom. ²⁸ Aria Kayak Nug wan imupan keeke onig iita, danab ag keeke amunu oolag ii daaṭe, ag guhudidna lamid̄eb ele amu, Nug amupa heeb, keeke wanpan danab ag amunu keeke okai doot̄eb ele, amu iita mekulagnu diia tituanatom ²⁹ amunu danab laa nug Kayak amega

nuŋa binag laa ii mema, keeke oh amu Kayakib heum. ³⁰ Kayak Nugib ig Jesus Kristus ele laipu ou iqom. Aria Kristus Nug am doyak ena, ig Kayaknu aotemnu diig, ig danab tutuku daatemu diig, ig opia awak ele daatemu diig, amu ig gemu Satan epegpa ii daatemu diig ele amu Nugib beum daate. ³¹ Amunu ig Kayak naipa, nai laa daate, amubia hetu! Nai amuam inam. “Laa nug onig humak hekunu oo daate amu nug Kayak onig aakuib humad!”

2

*PAULUS KRISTUS AD EMAITAKPA
MAUHOMNU MEHUQOM*

¹ O lailad, da anuŋa haen laa ahilagpa uke, Kayak nai genab amu mehuqi doopig amge da nai laala enanag elepa ag eedadkulnu o iitä doyak okainab, danab ii dooteb elepa, ii mehuqmi. ² Iita! Da dab mak dahilpa anten, gagaṭag doyen, haen da ag oolagpa dayeye da, “Keeke laa ohnu ele da ii dab mepa. Da Jesus Kristusnuib amu Nug ad emaitakpa mauhom amunu ele aakuib dab mein madikul,” awe ami. ³ Anuka da ukai, ag ele daamut, haen amupa da oolpa elele ii doomi, oolpa ug doyeye, dab mak kuđum aomi. ⁴ Da nai matimi, da Nai Ena ele ag amelagpa mehuqmi amge da doyak danab heteb bia, dahil gagatagpa da ag ii ipuanadmi. Iitä. Da Kayak Oudi ahilagpa udat heeb anidkulagnu, ib amupa ipuanatiti, Nug anam heum.

KAYAK OUDI NUG DOYAKNU DIIG

5 Da anam hemi, amunu diig am, ib laapa ag danabnu doyak amu aona, ag oolagpa genab dooglag dayeb, amuam ena iiṭa, keeke hamu. Amge ag Kayaknu gagaṭag anidna, oolagpa genab dooglag amuam meu ele, iiṭa ii mema amunu da anam hemi.

6 Imu genab, danab Kayak kobolnu kalulag metək ele amu, ig ag amelagpa nai meu ib adeku gote aakuib mehuqtem. Amge nai meu ena ele amu, amuam wan danab dilag doyak iiṭa. Amu wan imunu iki, ahilag ele iiṭa. Ag am iiṭa mekulag. **7** Amu Kayaknu nai ig mehuqtem ele, nai amuam lokumak daye udie, gemu batak. Nai amunu diig am Kayak amu Nug ig hab atannu ena daagnignu, wan imu ii dayom haenpa, nai genab amu meum daaṭe. **8** Wan imupan iki danab oolagpanu amu laa nug doyak amunu diig amu laa ii antom. Iiṭa. Ag doolob amu ag Nađi, Nug hab atannu anuqak gagaṭag ele daaṭe amu, Nug ad emaitakpa ii atullob. **9** Kayak naipa, nai inam daaṭe. “Kayak Nug keeke ena ena danab ag nuhignu oolag mauhṭe ele madakunu babaitom amu keeke amu danab laa nug amegpa ii antom, daugpa ele ii doyom, dab makpa ele ii beum. Keeke enanagnab.”

10 Am nai amu lokumak dayom amge Kayak Nug he, nuhig Oudi amu ig ipuniķom. Kayak Ouđi Nug keeke oh anidṭe amu Nug Kayaknu dab mak oh, ihinignu lokumak daaṭe ele amu, Nug anidṭe. **11** Am danab laa nug danab laanu dab mak ii dooṭe. Iiṭa! Danab amu nug ouđi, nug danab amu oopa daaṭe amu, nugib dooṭe. Amubia danab laa Kayaknu dab mak amu ii dooṭe, Kayak Ouđi Nug nuķa Nugib dooṭe. **12** Ig keeke ena ena Kayak megṭe ele, ig

amu tutuk^u doota, adat oignignu amu Kayak Nug wan imupan oudi ii mekom. Ii^{ta}, Nug nuhig Oudi mekom. ¹³ Amunu ig nai imu mehuqtem ele amu, ig amu wan danab laanu doyak aot ii mehuqtem. Ii^{ta}! Kayak Oudi Nug ig ipuni^{ke}, ig nai imu mehuqtem. Kayak Oudi Nug ipuni^{ke} amu ig danab Kayak Oudi ele ag amelagpa Kayaknu dab mak amu mehuqtem. ¹⁴ Amge danab nug Kayak Oudi ii awom ele amu, nug Kayak Oudinu dab mak ii aote. A^dinu? Nug dab mak amunu, “Dab mak kaaka,” anam dab mete. Dab mak amunu amu, Kayak Oudi Nug danab ehani^{teb}, nug dab mak amunu oo maidku amunu danab ag Kayak Oudi ii^{ta} ele, ag am dooglagnu elele ii^{ta}. ¹⁵ Am danab nug Kayak Oudi ele, nug keeke oh anen anen, laa am ena laa am nau ele amu, nug amu oh epediad^kunu elele amge danab ag Kayak Oudi ii^{ta} ele, ag danab amu epedidkulagnu elele iita. ¹⁶ Kayak naipa, nai laa amunu inam daate. “Aun nug Nadi^dinu dab mak oh doote amunu nug aha, Nadi^d dab mak medaku? Laa iita!” Amubia Kristusnu dab mak ihinigpa daate amunu laa nug Kayak Oudi ii^{ta} ele, nug epedigkunu elele ii^{ta}.

3

KAYAKNU UDAT DANAB

¹ Genab ig kristen ig Kristusnu doyak aomut amge o lailad da ag amelagpa nai mehuqmi amu da danab Kayak Oudi ele, ag nai dooglagnu mehuqtem anam bia ii mehuqmi. Ii^{ta}. Da nai mehuqmi amu da nai, danab dab mak alag ele dooglagnu mehuqtem, nai amubia ag amelagpa mehuqmi. Ag Kristus, nuhig kobilpa ag yud

daaegeg, nai mehuqmi. ² Nid yud ag e gagatag ii lat̄eb, ag huh lat̄eb, amubia haen amupa da ag nai gagatag madapi, ag aoglagnu elele iit̄a amunu da nai unuqagnab ii mat̄imi, da nai gai iit̄a aak̄uib mat̄imi. Ag gemu ele nai gagatag aoglagnu elele ii daateb. ³ Adinu? Ag dab mak alagpa daateb. Kristen kobil amu ag bedulagpa ii beum. Ag lailk̄ad dilag oolag nauhehe, ag nai aeg ona aeg do henan daateb amunu ig ag kobil alagpa, kristen kobil iit̄apa daateb anidk̄unignu elele. Kobil amuam dab mak alagnu, wanpan danabnu kobil. Ag het̄eb amunu ag am dab mak alagnu danab. Ag am wanpan danab. ⁴ Am danab laa nug, “Da am Paulusnu,” a, danab laa nug, “Da am Apolosnu,” ate, ag kobil amu ii uupig amunu ag wanpan danab daateb.

⁵ Ag tutūku dab mak aon ant̄eg! Apolos nug am aun? Am da Paulus am aun? I am udat danabib amu Nađi Nug i udat ihinih piđe piđe metom. Nug udat amu mete, i udat amu heuđud, ag Kristusnu oolagpa genab doopig. ⁶ E epaknu meu amu da epai, Apolos nug le metom amge Kayak Nug he, e amu beum. ⁷ Anam amunu, e epak danab nug am onig iit̄a. E le met̄ak danab nug ele onig iit̄a. Kayak Nug nuđa he, e bete. Nug he, e bete amunu Nugib am onig ele. ⁸ Aria e epak danab, le met̄ak danab ele, a oh am laipu amge udat ahilah anen anen. Keeke amuam keeke okai iita. Kayak Nug udat ahilah ant̄a, melemel amupa nob ena matak̄u. ⁹ I am kadoi meda, Kayaknu udat danab daatep amu ag am Kayaknu dad bia daateb. Laa ele amu ag am Kayak laug daateb.

¹⁰ Lag haknu doyak danab nug lag hek̄unu dayeb

amu nug tatam lag mawa daakunu keeke mete. Lag mawa daakunu keeke amu danab ag lag amu qadepa hepeg, ena daaku. Lag mawa daakunu keeke amuam lagnu diig. Aria Kayak ehanide, lag haknu doyak danab nug lag mawa daakunu keeke ena tutukuib mete, amubia da tamaniak tutuku enaib daakunu, nuhig diig daakunu, ag amelagpa Kayak nai mehuqmi. Gemu laala ag danab laa udin lag mawa daakunu keeke qadepa lag heteb, amubia da nai matimi, nai amupa ag udat tudidna heteb. Amge laala, ag anam heteb ele amu, ag dab menan heig! Ag mauhnoak aib hepig. ¹¹ Adinu? Tamaniaknu diig laa ii daate. Da Jesusnu nai matimi aakuib am tamaniaknu diig daate amu danab laa nug diig laa heeb bekunu elele iita. ¹² Amu danab ag lag mawa daakunu keeke qadepa lag heteb ele amu, ag keeke laalapa, ab eoñunu elele iita, gol o iita silwa o iita men ena amupa lag hekulag. O amu iita ag keeke laalapa, ab eoñunu elele, ad o iita qahak o iita wit gumu amupa hekulag. Amubia danab ag nai dahil aon tudidna udat heteb. ¹³ Aria danab ag lag, keeke pide pidepa hepig ele amu, ab lag amu eweb amu ahilag udat am miag atiku. Laala ag keeke ab eoñunu elele iitapa udat hepig amu ahilag udat am ii iita mema. Amge laa ag keeke ab eoñunu elelepa udat hepig amu ahilag udat am iita meku. Amubia ele danab ag dahil nai aon, udat tudidna heteb ele amu, ahilag udat am elele o elele iita am miag atiku. Ab nug heeb, lagnu udat am miag atiku, amubia Kayak Nug heeb, danabnu udat am miag atiku. ¹⁴ Laa nug udat heum ele amu, udat am ena dayeb, danab

amu nug nob ena aoku. ¹⁵ Amge laa nug nuhig udat, lag ewa mala iita mete amubia iita meeb amu nug am nob ena ii aoma. Nug am padal ii mema amge nug am danab nauhkunu miagnab dayaya, oola uka, nauhak ii aote, amubia padal ii mema.

¹⁶ Ag am Kayaknu lag, Kayaknu Oudi Nug ag oolagpa daate amu ag amu iite dooteb? ¹⁷ Udat danab laa nug Kayaknu lag heeb nauhku amu Kayak Nug ele danab amu heeb nauhku. Adinu? Kayaknu lag nug gun, amu ag aaku Kayaknu lag.

¹⁸ Amge laa nug nugaka bupuidmanu dab mad! Ag oolagpanu danab laa nug wan imupanu doyak okai awom amunu nug, “Da am doyak danab,” dab mete dayeb amu nug genab doyak danab ba daakunu, nug wan imupanu doyak oh qeeb nad! ¹⁹ Adinu? Wanpanu doyak amuam Kayak noobpa elele iita. Kayak naipa, nai laa daate amubia. Nai amuam inam. “Kayak Nug wan imupanu doyak danabnu dab mak amu awa, doyak amupa ag nob nau madate.” ²⁰ Amu Kayak nai aben laapa amunu ele inam daate. “Nadi Nug doote. Doyak danab dilag dab mak am keeke hamu, gagatag iita.” ²¹ Nai amu aaku daate amunu danab laa nug ig danab ig binanig ii mema. Genab keeke oh am ahilagnu. ²² Paulus, Apolos, am Petrus, wan imu, bau dayak, mauhak amu keeke gemu daateb, keeke dimpa bekulag ele amu, keeke amu oh am ahilag ²³ amge ag amu Kristusnu amu Kristus Nug am Kayaknu aaku daate.

4

KRISTUS NUKA NUHIG UDAT DANAB TITUA-NADKU

¹ Aria ag ihinignu inam dab mekulag am ena. “Ag am Kristusnu udat danab, Kayak nug ig adi hekunignu nuhig naipa ate amu ag apeg doognignu daateb. Udat amu ag gumaateb,” aon akulag. ² Ag inam anidkulag. Begbeg danab nug nuhig okai noobpa ena daakunu, nug nuhig danab okai udat adi adi hekunu ate amu nug udat amu oh anamnab heku. ³ Begbeg danab ena hete bia da ele anamib hei udie, gemu ele hetemtai? Eetai, danab laala ag da expedilna, amunu adi ateb amu da ii dootem. Amu ag adi ateb da amunu ele da dab mak okai ii aotem. Genab, da daka ele da expedilen, amunu adi dab mak aotem amu da amunu genabnab dab ii metem. ⁴ Da Nadi noobpa keeke laanu da ehed hemi, amunu laa da ii dootem amge amu Nadi noobpa da genabnab da bedulpa ab iiita ii ipunigte. Nadi Nugib da expedilte. Nug da bedulpa am ab iiita aum amunu da anam genab dootem. ⁵ Epediak udat amu ig gemu ii gumaatem amunu haen gamag imupa ig anam ii hemata. Ag Nadi udiunu haen ameg meig! Nug udia, keeke oh gatatupa lokumak daateb amu heeb, amahlakpa miag atipeg, aria geha heeb, danab oh dilag dab mak adinu keeke laala hepig amu miag beku. Haen amupa geha Kayak Nug ig danab oh laib laib ihinig haknu nob tutuku megaku.

KORINT AG AKA BINALAG MEPIG

⁶ O lailad, da ahilag dab makpa nai imunu meu adeku daate amu anidkulagnu, da Apolos ele i bedunihipa yen atem. Amupa ag nai laa, “Yak niite aakuib ag dab menan oiyeg!” nai amunu diig doonna, ag danab laa onig ii humana, laa onig

tabapeg ii nema. ⁷ Aun na danab okai meitom? Keeke adi laa na Kayak nuhigpanu ii aome? Kayak Nug na keeke oh metom amunu adinu na binan mena, keeke amu diig daat em bia doot em?

⁸ Ag Kayak nai elelenab aopig daat eb bia doot eb amge amuam genab ii ta. Ag keeke laanu dadek ii daat eb bia doot eb amge amuam genab ii ta. Ehanit ak ihinig iit apa ag king bena daat eb doot eb amge amuam genab ii ta. Ag genab king daalob amu ig ag ele oh king daalom amunu da ag king daaglagnu ool daate. ⁹ Ded laala da inam dab met em. Kayak Nug ig totol nuhig otikom, ig udat amupa oit em ele amu, Nug laa oh dimulagpanab, ig danab banpa adualadna aqap eg mauh kulagnu otiadpig, amubia daat em. Genab ig wan atu ohpa, engel danab oh ele noolagpa ehed anigkulagnu meike daat em bia ded laala anam doot em. ¹⁰ Ig totol danab ig wan imupan danab amelagpa, Kristusnu kaaka danab, danab gagat ag ii ta, danab binalag ele ii ta daat em amge ag Korint danab ag aka ahilagnu amu ag, "Ig am Kristusnu doyak danab, ig am danab gagat ag ele, ig am binanig okai ele," aon at eb. ¹¹ Yo, ig totol ig udat imu wan imupa heutut, dig ma udie, gemu ele enug iqeqe, baanig qada edate, bedunig hautaknu lamen ele ena iita daat em. Laa ag epelag bitakan bedunig ohpa oigt eb. Ig dayaknu aben ele iita. ¹² Keeke aognignu amu iiku epenigpa udat nad  het em. Laa ag ihinignu awa awa qet ak nai mat iegeg, ig nai enapa ahilag nai nob met em. Ag ig ehed hei kegeg, ig amu maot oit em. ¹³ Ag ihinignu nai nau ehd nab aegeg, ig nai bodo et ak pa ag amelagpa at em. Ig am wan ohpanu

kinipan daaṭem amubia daaṭem. Ig danab oh dilag kinipan daaṭem. Ig anamib daaut uđie, gemu ele daaṭem.

¹⁴ Da hepi, ag uđalag nekunu ii yaat̄em. Iiṭa! Ag nid naunau dahiladnab bia, ag ehed go-mananu amu da ag ib ipuanadkulnu het̄em. ¹⁵ Ag kristen daanna, ag ipunitak danab kuđumnab ag ehanadkulagnu aoglagtai. Ag aoglagnu dayeb am aoglag amge amuam heeb, keeke laa ii baolima. Keeke ii baoliku amuam da Jesusnu Nai Ena amu mehuqi, ag oolagpa genab doopig amunu da ag mameleg daaṭem amunu ag dimpa mamekkad kudum ele ii daamna. ¹⁶ Da ag mameleg daaṭem amunu ag oiyak dahil anidṭeb ele amu, ag kobol amupa oiglagnu unuqadṭem. ¹⁷ Diig amunu da Timotius mepi, ahilagpa gočunu het̄em. Nug dahil nid, da nuhignu ool huana mauhṭe. Nug Nađinu udat dab met̄a auta aote. Nug da Kristus Jesusnu kobol dim lamidṭem ele amu ipuanadku. Da kobol anampaib kristen tamaniak aben ohpa ipuanadṭem.

¹⁸ Da Timotius mepi ahilagpa goču amge dimpa da ele gumaṭe gokul. Da tatam ii gomi, dimpa gokul amunu ag laala, “Nug edua ig gumiča ii uđima,” anana amu ag da nai doyak ena ele amelagpa atem amu ag nai amu di met̄an, ag aka ag binalag humaṭeb. ¹⁹ Ag anam het̄eb amge, Nađi Nug oo dayeb amu da ag gumaṭe gokul. Ukena amu nai tape nak danab amu ahilag ham bupuak amu ant̄ena, gagat̄ag ahilag ele amu genab daaṭe o iit̄a, amu ele da anidkul. ²⁰ Adinu? Kayaknu do mađod amu naipaib ii bet̄e. Iiṭa. Kayak ebehipa bet̄e. ²¹ Aria ag aṭemtai? Ag kobol ahilag ii bapaidpeg amu da bu

ade ahilagpa gokulnu oolag daatete? O iita ag edun ena hepeg amu da oo doyak kobol, kobol bodo etak elepa gumaten gokulnu oolag daatetai?

5

KORINT TAMANIAK OOLAGPA GAPAI KOBOL NAUDAYOM

¹ Aria laa ag nai genab matinna, ag Korint ag oolagpa gapai kobol nau daate aeg doomi. Gapai kobol ag heteb ele am naunab nau! Genab, iita adi danab ag gapai kobol nau amubia ii heteb. Kobol amuam danab laa nug mameg wau ele gapai adapid. ² Kobol amu beum daate amunu ag, “Ig am binanig ele,” akulagnu genab elele iita amge ag anam ateb. Ag uda nak doolob am ena. Danab nug kobol amu heum ele amu, ag nug kristen tamaniak oopa daamanu gedidpeg dimitim golo am ena. ³ Genab da gemu ag ele oh ou qak ii daatem amge da ag dab made, da ag ele oh ou qak daatem bia dootem amu, da danab nug kobol heum amu da nuhig hak amu aaku epedidmi. Da apa dayeye epedidlom bia epedien, ag inam hekulagnu atem. ⁴ Ag Nadi Jesus onigpa qag mena, dahil dab mak amu ihinig Nadi Jesusnu gagatag ele ag ele oh daapeg, ⁵ aria danab amu ag aon, Satan epepga mepeg, nug udat nuhig heeb, bedu ehed aweb, danab amu nug Satan dim lamidkunu am ena iita doyeb, dimpa Nadi Jesus edua udieb, Kayak Nug danab amunu oudi edua awa, bau ena daakunu medaku.

⁶ Ag aka ag binalag meteb amu ena iita. Bret titidkunu keeke onig yis amu nakokib udat he, plaua oh titidte, ag amu iite dooteb? Aria kobol nau

am yis bia. ⁷ Ag yis amu budipeg ukad! Ag anam hepeg, iiتا meeble amu ag bret yis iiتا bia daaglag. Amu ag Kristus ele ou qak genab daateb amubia dayeg! Adinu? Kristus Nug Pasowanu sipsip nag ihinig, Nug nuhig mauhakpa aaku ihinig nob nau awa malom. ⁸ Amunu ig Pasowa metid hobulpa bret yis alag elepa, ii lamata. Yis amuam opodi be, amya oiyak kobol, am hipunin laa oh hak kobol ele. Ig Pasowa hobulpa bret yis iiتا ele lakunig. Bret amuam kobol tutukу, kobol genab ele.

⁹ Aria, da ad udug tatam ahilagnu yaami amupa da nai inam yaami. “Ag gapai danab ele aib tamanipig.” ¹⁰ Da anam yaami amge da ag wan imupan gapai danab oh, danab keeke awaknu udat aakuib heteb oh, amu yabhoi danab oh, amu kayak ham bupuak binag mak danab oh ele uuadkulagnu ii ami. Ag anam helob am ag wan imu uulob. ¹¹ Amge da nai aaku yaami, amu diig am inam. Danab laa nug ag ele kristen tamaniak oopa laipu daateb, nug gapai kobol hete, o nug keeke awaknu udat aakuib hete, o nug kayak ham bupuak binag mete, o nug laanu awa awa qetak nai ehed ate, o nug le gagatag la, kaaka qete, o nug danab laanu keeke yab aote, nug gadaib kristen dayaya, hipunin amu miag atiak haaha oite ele amu, kristen danab ag nug ele aib tamanipig, ag nug ele aib ou qak daapig.

¹²⁻¹³ Danab kristen tamaniak dimitim daateb ele amu, da ag epediadkulnu ii daatem. Am dahil udat iiتا. Kayak Nugib ag adi hepig amunu epediadku amge danab ahilag tamaniak oopa daateb ele amu, epediatak udat amuam genab ahilag udat daate amunu ag danab ag oolagpa kobol nau hete

ele amu nug gedidpeg dimitim dayad!

6

KRISTEN DANAB NUG LAYAG HETO_{DIAKPA} II MEMA

¹ Aria ag oolagpa laa nug layagnu nai ele doyaya, nug kristen tamaniak bapaidkulagnu dab ii mete. Iita, nug danab Kayak ii dooteb ele, danab amu noolagpa hetodiakpa mete. Nug anam hete amge kobol amunu nug uda iite nete? ² Kayaknu danab ag wanpan danab ah dilag kobol amu oh epediglag amu, ag iite dooteb? Genab ag Korint ag geha wanpan danab dilag kobol amu epediglag amunu keeke okai iita ele, ag amu babaitaknu am elele iitate? Ag am atemtai? ³ Am ig kristen, ig geha engel dilag kobol ele epedignig, ag amu iite dooteb? Genab ig geha ahilag kobol amu epedignig. Ig anam hekunignu doognig amunu wan imupan nai am ig epedignignu elele iitate? ⁴ Anam amunu aria ag wan imupan keekenu nai am adinu ag danab kristen tamaniakpanu iita amu ag gumadna gona, epediak udat imu madafeb? ⁵ Da nai imu atem amu ag udalag neeb, kobol tutuku hekulagnu atem. Ag oolagpa danab laa, nug eamag adit ehet hepid ele amu, ahilah nai epediatkunu doyak ele laa iitate? ⁶ Ag doyak amu iita amunu ag lailkad hetodiadkulagnu amu ag danab Kristusnu kobol ii dooteb ele amu, ag noolagpa hetodiadteb.

⁷ Amu ag lailkad ele nug hetodina, hetodiakpa maadteb ele amu, amupa ag nena qeteb. Ag oolagpanu amu laa nug layagpa ehet heeb, nug layag nug nob ii medaku am ena. Nug nuka ug

amu mawa oiku am ena. Hetodiakpa mak am ena iita. O ag oolagpanu laa nug layagnu keeke yab awed amu layag nug nob ii medaku am ena. Nug nuka ug amu mawa oiku am ena. Hetodiakpa mak am ena iita. ⁸ Amge ag anam ii heteb. Ag aka aka kristen lailkad dilagpa keeke yab aoteb. Ag aka aka kristen lailkad dilagpa ehed heteb. Ag anam henana, ag danab nau heteb bia helob am ele nau amge ag naunab heteb. Ag lailkad dilag, amuam kristen laala, ahilagpa kobol nau amu heteb.

⁹ Ag imu iite dooteb? Danab ag hipunin heteb ele amu, ag Kayaknu do madod oopa ii daamna. Na naka nahipnu aib ham bupume. Aun adi ag gapai heteb, o aun adi ag kayak ham bupuak binalag meteb, o aun adi ag danab danabib gapai heteb, o danab aun adi ag ah bia oiteb, ¹⁰ o aun adi ag yah-hak kobol heteb, o aun adi ag enulag okai nadinab aoglagnu wagai meteb, o aun adi ag le gagatag laeg, kaaka aqate, o aun adi ag dimug nai maditeb amu, danab ah amu ag oh Kayaknu do madod oopa ii daamna. ¹¹ Ag oolagpa laala amubia oitapig amge Kayak Nug he, hipunin ahilag iita meum. Nug he, ag nuhig do madod oopa, Nug oo atem daate amu hekulagnu opia awak daateb. Kayak Nug he, ag Nug noobpa elele daateb. Nug amu oh Nadi Jesus onigpa amu nuhig Oudipa ele heum.

KAYAK BINAG MAKNU KOBOL

¹² Genab Kayak keeke hekunignu ib babaitom daate, da keeke amu oh hekulnu am elele amge keeke oh da ii ehanidte. Keeke amubia oh am da hekulnu elele amge da keeke laa waapa ii daapa. Iita, keeke am da waalpa daaku. ¹³ Genab, gemu e

nug oonignu daate, oonig nug e aokun daate amge a oh am gemunuib. Kayak heeb, a oh iita mekulah. Amge e oonignu daate, ig oonig e aokunu daate amubia ig bedunig am ig amupa gapai hekunignu ii daateb. Iita. Ig bedunig am Nadinu keeke. Aria Nadi Nug am ig bedunignu amu ig bedunig amu nuhignu daate. ¹⁴ Amu Kayak Nug nuhig gagatag amupa he, Nadi edua hibaitom. Am geha ihinigpa ele anamib heeb, ig edut ahagnig. ¹⁵⁻¹⁶ Ag bedulag anen anen am Kristus bedu laih naunau kuđum daateb amu ag iite dooteb? Laa ele amu ag danab nug ib baag ah ele a bedulah laipu ou qetep amu a bedulah laipu daatep amu, ag iite dooteb? Kobol amunu Kayak naipa, nai inam daate. “A oh amu bedulah laipu daaglah.” Aria ig bedunig anen anen am Kristus bedu laih naunau kuđum daateb amunu da Kristus bedu laih nakok laa awen, ib baag ah bedu laih nakok laa daakunu mekul am enatai? Anam iitanab! Da anam ii hepa. ¹⁷ Danab nug ib baag ah ele bedulah laipu ou qetep, a am bedulah laipu daatep amge danab nug Nadi ele ou qak daatep, nug aaku Kayak Oudi gagatagpa Nadi ele laipu daatep.

¹⁸ Ag gapai kobol amu uun qe edidna oolna ukeg! Adinu? Hipunin laa oh, danab ag heteb ele amu, ag kristen tamaniak heeg nauhete amge danab nug gapai heteb amu, nug he, kristen tamaniak nauha autanab aote. ¹⁹ Ag bedulag am Kayak Oudi laug gun ele amu, ag iite dooteb? Kayak Nug nuhig Oudi matom, ag oolagpa daate. Ag amu, ag aka ahilagnu iita. Ag am Kayaknu daatep. ²⁰ Adinu? Kayak Nug ag edua diikunu daden maatom amunu ag Kayak binag mekulagnu amu ag bedulagpa ele

Kayak binag meig!

7

EWAU DILAG NAI

¹ Gemu da nai imupa ag ad udug meeg, dahilpa doum amu da iiku nob metem. Danab laa nug nug awak ii heku amu ele ena. ² Amge gapai kobil idu idu daate amunu danab oh anen anen ag ah diiglag amu ah ag ele ag anen anen ahilag danab diiglag am ena. ³ Amu danab bedu amu nuhig ahnu keeke, am danab nug bedu hagaka ii aoma. Anamib, ah nug bedu amu danabnu keeke, ah nug ele bedu hagaka ii aoma. ⁴ Amu diig amu, ah nug nuka nug bedu ii gumat. Iita. Nuhig danab ele oh gumat. Anamib, danab nug nuka nug bedu ii gumat. Iita. Ah nuhig ele oh gumat. ⁵ Ag nug aopig ele amu, ewau laa oopa laa nug aib laa guhudi, wagai ma, nug bedu hagaka awom. Amge a Kayak unuqidkulahnu heya, oolah laipu meya, haen tutu tituankulah, haen amupa a nug ii aomya, amuam elele. Amge haen tutu amu maleb, Satan a gapai kobil hekulahnu eedatmanu, a edui, nug aoglah. ⁶ Da do mein, “Ag nug aweg!” ii atem. Iita! Ag anam hekulagnu oolag dayeb amu ag hekulagnu elele, aakuib atem. ⁷ Am danab oh ag da bia daaglagnu ool daate. Amge danab oh ag anam daaglagnu elele iita. Adinu? Kayak Nug nuhig oo metakpa, nuhig keeke ena ena nob iita hamu metakpa amu ag adi hekulagnu anen anen matom.

⁸ Aria nai imu am danab ah nug awak ii hepig amu ah qab ele dilag. Da ahilagnu inam atem. Ag am da daatem anam daapeg amu elele. Ug laa iita.

⁹ Amge ag oolag bedulag ele dab met^aglagnu elele ii doonna amu ah nug danab aoku, danab nug ah aoku. Ag nug awak hena amu ag elele daaglag, ag oolag nug gapai kobolnu ii eedadma.

¹⁰ Am danab ah nug aopig ele amu, da amu dilag do am iiku madatem amge dahil do iita. Nadi Jesusnu do. Do amu inam daate. Ah nug nuhig danab ii uuidma. ¹¹ Amge nug danab genab uuidku dayeb amu nug hamu dayad! Hamu daakunu elele ii dayeb amu nug edua ukeb, danab nuhig ele oolah laipu meya dayed! Danab nug ele nug ewau aib okulom.

¹² Aria do imu am da daka atem, Nadi Jesus ii aum. Do amuam inam. Ig lainig laa nug Kristusnu oopa genab doote dayeb, nug ah nuhig ele a ewau daatep amu ah nug Kristusnu oopa genab ii doote amge ah nug a nug awak daaglahnu oo daate amu ig lainig nug nug awak ahilah aib otadom.

¹³ Aria ah laa nug Kristusnu oopa genab doote dayeb, danab nuhig amu nug Kristusnu oopa genab ii doote ele amge danab nug a nug awak daaglahnu oo daate amu ah nug nug awak ahilah aib otadom. ¹⁴ Amu ag doyeg! Danab nug Nadinu oopa genab ii doote amge ah nuhig nug oopa genab doote, nug ahpa Kayaknu tituanak daate. Aria ah ele oopa genab ii doote amge nug gamu nug oopa genab doote, nug danabpa Kayaknu tituanak daate. Anam iita amu nid menuadkulah, ag am iita adi bia daalob amge anam iita. Nid amu ag Kayaknu tituanak daateb.

¹⁵ Aria danab nug oopa genab ii doote ele, nug ah nuhig uuidkunu oo dayeb amu ah nug danab amu adeb, ewau daaglahnu aib wagai meum. Aria

danab nug ele anamib heku. Laa nug Kristusnu oopa genab doote, nuhig ewau am oopa genab ii doote amu, Kayak nug laa, nug oopa genab doote ele, nug ewau daaglahnu wagai mekuunu ii aum. Iita! Kayak Nug ag oolag madod ele ena daaglagnu onilagpa eum. ¹⁶ Ah na geha na danab nahip ehanidpe, nug oo edueb, kristen daakute o iita amu na ii dootem. Aria danab na, geha na ah nahip ehanidpe, nug oo edueb, kristen daakute o iita amu na ele amu ii dootem.

KAYAK NUG DANAB EDUA AWEB NUG ATEM OIKU

¹⁷ Amge Nadi Nug na wanpa oikutnu, na kobol adi hekutnu mete doona daanna heme amu aria, Kayak Nug na oninpa e, na kristen daanna am na kobol ena amu heme ele amu gemu anamib oikut. Da kristen tamaniak ohpa do laipu aakuib madatem. ¹⁸ Danab laa nug gada otadom ele, dimpa Kayak Nug onigpa e, nug oo edue, aria nug amu lokumiita bedu edua aib babaitom. Am danab laa nug gada ii otadom ele, dimpa Kayak Nug onigpa e, nug oo edue, aria nug aib gada otadom. ¹⁹ Gada otadak amu keeke hamu, gada ii otadak amu ele keeke hamu amge Kayak ode dim lamidkunignu am keeke okai. ²⁰ Danab nug adi udat laa, Kayak nug metom ele amu, nug amu heehe, Kayak onigpa e, nug oo eduom amu nug udat amuib had! ²¹⁻²² Amu danab nug begbeg udat haaha dayeye, Nadi onigpa e amu aria Nadi noobpa nug am begbeg danab iita. Anamib, danab laa nug begbeg iita, nug hamu dayeye, Kayak onigpa e amu aria nug am gemu Kristusnu begbeg daate amunu na begbeg udat heehe, Kayak na

oninpa eum dayeb amu aria na amunu ootpa ug aib doome amge na begbeg udat amu edun ii hemananu ib nahip dayeb am na keeke laa hekutnu uke! ²³ Am Kayak Nug Jesus mauhom amupa ag daden maałom amunu ag danab dilag begbeg daaglagnu aib hepig. ²⁴ O lailad, danab laa nug adi udat laa, Kayak nug mełom ele amu, nug heehe, Kayak onigpa e, oo eduom dayeb amu nug amu anamib tuditeb, Kayak ehanitebeb had!

DANAB AH NUG II AOPIG ELE DILAG NAI

²⁵ Aria od mak ahilag laanu amu, danab ah nug ii aopig ele ahilagnu amu Nadi Nug do laa da akulnu ii ipuniđom. Da dahil dab mak madit̄em amge Nadi Nug dahilnu oo gai iitä doyaya, Nug da tituanidom amunu nai da atem imu ag oolagpa amunu genab dooglagnu am elele. ²⁶ Am dahil dab makpa gemu haen imupa ug okai bełeb amunu gemu ag danab o ah iitä ele daateb, da ag anamib daaglagnu ena doođem. ²⁷ Na ah aome, amu aria na nug awak otadkutnu aib dab meme. Am laa na ah ii aome, hamu daat̄em amu aria na aib ah aokutnu heme. ²⁸ Amge na ah aokut am ena, hipunin iitä. Aria ah makun nug danab aoku, nug awak amu ele am hipunin iitä, am ena. Amge danab ah ag nug aot̄eb amu wanpan ug okai idu daat̄eb amu da ug amu ahilagpa ii bemanu ool daate.

²⁹ Amunu o lailad da nai imu atem. Haen tutu meum amunu haen gamag imupa amu ag inam dooglagnu atem. Danab ag ah aopig ele amu, ag am ahilag dab makpa, “Ig ah ele amge ig ah iitä bia daagnig,” dab menan daaglag. ³⁰ Aria danab ag gaat̄eb amu ag ii gaat̄eb, hamu daat̄eb, anam

bia daaglag. Danab ag gamalag ahaṭe amu ag gamalag ii ahaṭe, hamu daaṭeb, anam bia daaglag. Danab ag keeke daden mena adat̄eb amu ag keeke laa ii adat̄eb, “Ig keeke iitä, hamu daat̄em,” bia doonna daaglag. ³¹ Danab ag wannu keekepa udat het̄eb amu ag am, “Ig wanpan keeke imu gagat̄ag ii adat̄em. Ig keeke laa ii adat hamu daat̄em,” amubia dab menan daaglag. Ig doot̄em, geha wan imu am baolieb, gemu daaṭe amubia ii daama.

³² Da ag keeke kuḍumnu ug ii doon oiglagnu ool daaṭe. Danab ah ii awom ele amu nug am Kayaknu keeke dab maama, Kayak Nug adi keekenu oo hete amu nug amu hekunu hete. ³³ Amge danab nug ah awom ele amu nug amu wannu keeke dab maama, nug wau adi keekenu oo hete amu nug amu hekunu hete. ³⁴ Aria amupa nug nuhig dab mak am laipu ii daaṭe, opatak adit daaṭe. Ah danab ii awom, nug hamu daaṭe ele amu, nug Kayaknu keeke dab maama, nug nug bedupa, nug oudipa ele amu nug Kayakib dim lamidkunu hete. Amge ah nug danab awom ele amu nug wannu keeke dab maama, nug gamu adi keekenu oo hete amu nug amu hekunu hete. ³⁵ Am da nai imu aṭem amu ag ehanateb ena elele daaglagnu aṭem. Nai imu da ag otadaṭe ii mat̄imi. Iitä! Ag Kayak noobpa tutukü elele ena daaglagnu ool daaṭe amunu ami. Ag anam hepeg, geha keeke laa nug ahilag dab mak Kayaknu daaṭe amu ii eedma.

³⁶ Amge danab laa nug nid ahin laa ele a nug tituanyaib oiiya, a nug ii aoya, ah amu nug nug awak haen edidkunu heebeb, amu danab amu nug, “Da ah amu nuhigpa ena ii het̄em,” doyaya, a nug

aoglahnu oo huana dayeb amu a nug awed! Nug anam heku amu nug amupa hipunin ii hema. A nug aoglah am ena. ³⁷ Amge danab laa nug amunu ii dab maama, oo amupa gagaṭag daate, keeke laa nug ii dutunte, nug nuka dab mete, dab mak nuhig ib laipupa dayeye, nug amu ada oite amu nuhig ah tituanak daate amu ii aoma, ah nug anam hamu daaku, amu nug ele am ena hete. ³⁸ Amu danab ah a nug tituanoya, dimpa nug aotep amu danab amu nug kobil ena hete. Amge danab ah a nug tituanoya, dimpa a nug ii aotep amu danab amu nug am enanag hete.

³⁹ Amu danab ah nug aopid amu ah amu nug danab amu ele a ou qak laipu daaglahnu aakuib dab meku. Amge nug gamu mauhku amu nug danab laa aokunu am ib oo nak iita. Nug danab laa aokunu oo daate, nug danab amu aokunu elele. Am nai iita amge nug danab laa nug ele Jesusnu oopa genab doote aakuib aoku. ⁴⁰ Amge da dahil dab mak am inam. Nug danab awak uua, hamu daaku amu nug gamag ahak okai aoku. Amuam dahil dab mak amge Kayak Oudi Nug ele anam maidte bia dootem.

8

DOD MAIN KAYAK HAMBUPUAK MEDAPIGNU NAI

¹ Aria dimitimnu danab, ag oolagpa genab ii dooteb ele amu ag dod main kayak ham bpuak medteb amu ig kristen ig tepu amu lakunigtai o iitatai amunu apig amu da nai amunu iiku nob mein, diig api dooglag. Genab, ig oh am doyak ele amge ded laala doyak nug nuka dayeb amu

nug heeb, danab nug doyak ele nuka binag meku. Amge layagnu oo mauhak kobol amu nug heeb, geha Jesusnu tamaniak ena tutuku gagatag ele daaku. ² Am danab laa nug nuka, “Da amu doyen malami,” ate amu, danab amu nug am doyak elele ii awom, hamu ate. ³ Amge danab nug Kayaknu oo mauhte ele amu, Kayak Nug danab amu epedia, nuhig tituanom.

⁴ Aria dod tepu main kayak ham bpuuak medateb lanak amunu amu da inam atem. Ao ig dootem, kayak ham bpuuak amuam keeke genab iita, danabnu dab mak aakuib. Amunu ag dotolag heteb am keeke laa genab ii ipunigte. Kayak laipu aakuib daate ⁵ amunu kayak ham bpuuak habpa o wanpa ele daalob am atemun? Genab kayak ham bpuuak kudum amu nadi ham bpuuak kudum ele daalob amuam ihinigpa keeke hamu. ⁶ Adinu? Ihinig Kayak amu laipu daate, Nug am ig Mamenig, Nug am keeke ohnu diig daate amunu ig am nuhikudib daatem. Nadi ele am laipuib daate, Nug am ihinig Nadi, Jesus Kristus. Nug keeke oh hatom amu ig nuhigpa bauklet atem.

⁷ Keeke amu anam daate amge danab laala ag doyak amu ii aopig. Ag am anuka kayak ham bpuuak amu binag hanhan medapig, amupa ag gemu dod tepu amu lanaknu amu ag, “Ig kayak ham bpuuak binag mematanu, ig dod tepu imu, ag main kayak ham bpuuak medapig ele amu, ig ii lamata,” aon ateb. Ag anam dab meteb, ag oolagpa ulum nai, Kayak megte ele, amuam gagatag iita amunu ag lalob amu ag, “Ig ehad hetem,” doolob. ⁸ Amge e nug ig omaikeb, Kayak topa ii gomata. Ig e ii lakunig dayeb amu ig anen anen, “Da e amu ii

latem amunu da Kayak noobpa elele iiتا daatem,” ii amata. O ig e laķunig dayeb amu ig anen anen, “Da e amu latem amunu da Kayak noobpa enanag daatem,” amu ele aķunignu elele iiتا.

9 Amge keeke ag aka ahilag dab makpa ag amu heķulagnu elele dooteb amu, amupa ag laala Kayaknu kobil oh ii doopig ele amu, ag ag eedadpeg, hipunin ibpa gomananu ag dab meig! **10** Adinu? Na aun na dod tepu laa, danab ag tepu amu main kayak ham bupuak medapig ele amu, na Kayak Nug na tepu amu lakutnu am nau ii doote, na doyak am aon malame amu na gona, kayak ham bupuak mana metak laka daana, e amu labepe amu danab laa, nuhig oopa genab doyak am gagatag iiتا ele amu, nug na anita, dod tepu main, kayak ham bupuak medapig ele, nug amu lakunu dab mak awa laku. **11** Na anam hekut amu doyak nahip nug amu danab laa, nug Kristusnu oopa genab doote amge gagatag iiتا, Kristus nug danab amu edua aokunu mauhom ele amu, nahip doyak he, ib ehedpa goṭe. **12** Anteg! Ag kristen laala, ahilag dab mak Kristusnu gagatag iiتا ele amu, ag ahilagpa hipunin amu hena, ahilag oopa genab doyak amu heeg nauhṭe amu, ag haen amupa Kristus nuhigpa ele hipunin heteb. **13** Anam amunu da dod tepu ag main, kayak ham bupuak medapig ele amu, da amu lapi, kobil amunu da layal nug hipunin heku dayeb amu, aria da dod tepu amu baula ii lapa. Da hanhan amu di meten oipi ukeb, wan haen iiتا meku. Adinu? Da hepi, layal nug hipunin hemanu dab metem.

9

*TOTOL AG KEEKE TAMANIAK PANU
AOGLAGNU ELELE*

¹ Da hepi danab laa ehetpa gomanu dab metem amunu ag da do waapa dayeye hetem bia dootebe? Anam iita, da donu begbeg ii daatem. Da am totol danab. Da am ihinig Nadi Jesus Kristus anidmi. Am da Nadinu udat laa hei, ag da udat hemipa ag kristen daateb. ² Am danab laala ag dahilnu, “Nug am totol danab iita,” dootebtai o iitatai, da ii dootem amge ag Korint daateb ele amu, ag am anam dooglagnu elele iita. Adinu? Da nai matyi, ag Jesusnu oolagga genab doopig amunu da am genab totol danab daatem, ag amunu am eponak keeke bia daateb.

³ Am laa ele, danab laala ag da biilpa yak nai madiet amu da edue amelagpa inam atem. ⁴ Da tamaniak epelagpa e le ele lakulnu amu elele iitate?

⁵ Amu da kristen ah laa aopi, udat hekulnu oh ognihnu, totol danab laa am Nadi laikud laa oh am Petrus ele ag heteb bia elele iitate? ⁶ Amu da Banabas ele i iya tamaniak epelagpa e le ele aognihnu elele iitate? I iya keeke amu aognihnu men dodonu udat hekunihte?

⁷ Am danab laa nug ban danab daate ele amu, nug amupa nuhig e iite aote? O danab laa nug grepnu dad gumate amu nug grep lepu iite late? O danab laa nug meme gumadte, nug udat amu haaha, meme huh amu iite late? ⁸ Am da danab dilag dab mak amuibte dim lamiten, da nai imu atem? Dopa amu nai amunu laa iite daate? ⁹ Yo, Moses nug do naipa nai laa amunu yom am inam. “Makau nug wit meu mumudkunu tabate amu na

aib ode hautme,” awa aum. Am Kayak Nug dod bulmakau dilagibte dab ma aum? ¹⁰ Anam iit  ! Nai amu ihinignu ele ate. Ao, Moses nug Kayak ode awa yom, amuam ihinignu ele aum. Adin  ? Danab nug e epaknu wan opate amu nug e meu odueb, meu maha aok  unu dab maama udat heku amuam elele. Amu meu awak danab ele anamib.

¹¹ Aria ig Oudinu keeke ag oolagpa epamut amunu ig bedunig ehanit  aknu keeke amu ag ig mek  aglagnu am ena iit  ate? ¹² Danab laala ag ahilagpa dim gona, nai mehuqegeg, ag keeke madateb amunu da Banabas ele ahilagpa keeke aognihnu elelenab daat  ep. Amge keeke i aolopnu elele amu i ii aot  ep. Adin  ? I keeke amu aolop amu Kristusnu Nai Ena ag aoglagnu, ib am oo nek  unihtai amunu ug laala oh amu i aa  ku maot  ep. ¹³ Ag imu iite doot  eb? Danab ag mana met  ak laka udat het  eb ele amu, ag ahilag e mana met  ak lakanu aot  eb. Amu danab ag dod main Kayak medteb ele amu, ag qadabpanu e aot  eb. ¹⁴ Anam daat  e bia Nadi Nug do imu ele meum. Danab ag Nai Ena mehuqteb ele amu, danab amu ag danab ah Nai Ena amu doot  eb ele amu, ag ahilagpanu enulag keeke, bedulag ehanid  unu, aoglag.

¹⁵ Do anam daat  e amge da do amupa da keeke laa ii aomi. Amu da nai imu yaat  em amu, da amupa keeke aok  ulu ii het  em. Iitanab! Keeke da ehanid  unu, keeke amu da daka epelpa hein aot  em amupa da daka da binal doot  em amu danab laa nug heeb, binal amu ii  ta melo am ena iitanab iita. Am naunab. Da mauhlom am nau anam ii  ta. Da dahil gamag ahak doot  em imu, danab laa nug gamag ahak dahil imu diig, amu dahlipanu

ada adila aokunu am ena iitanab. ¹⁶ Da Nai Ena mehuq^{tem} ele amu, amupa da daka binal mekulnu elele iita. Adinu? Kayak Nug a, da hetem. Da ii mehuqlom amu da ug nadi doolom. ¹⁷ Am da daka doominu ahe, udat imu heinnelob am da udatnu nob aolom. Amge da udat imu hetem ele amu, da daka ain ii hetem. Iita, Kayak Nug udat imu hekulnu medom amunu ¹⁸ da nob adi aokul? Dahil nob ena amu inam. Da Nai Ena mehuq^{tem}, udat amupa da keeke da aokulnu elele daa^{tem} amu da ii awen, da Nai Ena, hamu nob laa iitapa mehuqe, danab madat^{em}.

¹⁹ Da danab laa nug he, begbeg danab nuhig ii daa^{tem}. Iita! Amge da danab ku^{dum} eedadpi, ag Jesus dim lamidkulagnu hetem amunu da daka danab oh dilag begbeg danab daakulnu ool he daa^{tem}. ²⁰ Amu da oyeye uke, Juda danab gumar^{te} uke amu da Juda danab bein, ag daa^{teb} bia daami. Ag diikulnu amu da do waapa ii daami amge ag amelagpa da anid^{pig} amu da do dim lami^te daa^{tem} bia daami. Amupa da danab do waapa daa^{teb} ele, ag oolag edueb, ag Kristus dooglagnu hetem. ²¹ Aria da uke, danab do iita ele, da ag gumar^{te} uke amu ag amelagpa anidkulagnu da danab do iita ele bia daami. Da danab do iita ele amu diikulnu anam hemi. Amge da Kayaknu do amu ii qe edidmi. Iita, da Kristusnu do amu dim lamidmi. ²² Amu da danab gagatag iita oolagpa dayeye amu da danab gagatag iita bia daami. Da danab gagatag iita amu diikulnu anam hemi. Da am danab oh ag ahilag kobol aten athenpa oiteb amu da ag diilag amu awe, ag edue diikulnu udat ku^{dum} heinne daa^{tem}. ²³ Am Nai Ena amu aha okai mekulnu, da nai amupan

ititak aokulnu ele, da udat anam anam hetem.

²⁴ Danab ag qaibad gona, nug edid edid heteb ele amu, ag oh qaibad goṭeb amge danab laipuib nug nob ena aote amu ag iite dooteb? Aria ag ele qaibad gonana, laih laih aib neegpig. Iita! Ag nob ena aoglagnu aakuib dab menana qai eteg!
²⁵ Amu danab oh ag qid laala ele hekulagnu daateb amu ag wan imupan keeke o kobol laala, ag qid ena hekulagnu ib oo nete ele amu, ag amu oh qeeg nete. Danab amu ag wannu bala, keeke nauhṭe ele amu aoglagnu hena, qid amu anam heteb amge ig nob ena, nauhaknu elele iita, amu aognignu hetem. ²⁶ Amunu da daka qaibad gotem amu da ugeke, edue laih laih neekēke ii gotem. Iita, da amel amu tutuku neeki uke, nob ena aokulnu daate amu andete gotem. Da danab laa nug epeg bitaka, laa makudkunu he, epeg nug eta, laih laih uke, ulahib ii ote amubia da ii hetem. Iita. Da udat dahil tutuku hetem. ²⁷ Genab da daka da bedul qei ne, dab mak da oolunuqagpa daate aakuib da bedul dim lamidte. Anam ii hewoya am da Nai Ena danab laaib dooglagnu mehuqeqe, dimpa da padal mekul am ena iita.

10

LAA OO EEDAKPA NA QEMANU NAI

¹ O lailad, ig alankad ag keeke anidpig ele amu, da ag amunu dab mena oiglagnu ool daate. Ig alankad adi ag lombig waapa oinna, ag baelagpa le kokod matadpig. ² Ag oh Mosesnu dim lamitak danab bena, ag nug waapa daanna oipig. ³ Ag oh amu Kayak Nug ag bret mate lapig. ⁴ Ag oh amu, Kayak Nug le mate lapig. Ao, hab atannu laa Nugib

ag omalatom. Nug Kristus. Nug he lapig. ⁵ Amge Kayak Nug danab ah kudum ag ahilag ehed hak nau amu andata, amupa Nug ahilagnu oo elele ii dayom amunu Nug he, ag atu tadakpa mauhpig.

⁶⁻⁷ Am keeke imu oh, ig anidta doognignu, dotog bia, ig keeke nau Israel amelag qe hepig bia amu ig amenig ii qemanu, ig Israel oolagpan danab laala hepig bia amu ig kayak ham bupuak ii dim lamidmatanu beum. Kayak naipa, nai amunu inam daate. “Danab ah ag ahan, kayak ham bupuak binag mena, qag mena daanna, hobul nadi hena lanana, ahan nuhignu ahi ele godapig.”

⁸ Gapai kobol, Israel oolagpa laala hepig bia amu ig ii hemata. Ag kobol amu hepig amunu ded laipupa 23,000 ag mauhpig. ⁹ Ig Kayak Nug keeke hekunu aum amu genab hekute o iitate amu doognignu, Israel oolagpa laa hepig amubia, ig Kayak ii eedmata. Ag oolagpa laala ag anam heeg, mat ag emalate mauhpig. ¹⁰ Amu ig Kayaknu naitud, Israel oolagpa danab ah laala hepig bia ii hemata. Ag Kayaknu naitud nai matieg amu aqakunu engel nug aqe, padal mepig.

¹¹ Keeke imu oh amu ig anidta doognignu beum. Kayaknu yak oopa kaya amu yaaladpig daateb amu ig danab gogtak haen imupan, ig anidtata, dab mak aota oignignu ipunigte ¹² amunu danab laa nug gagatag hibaita daate dab mete ele amu, nug na qemanu dab ma auta awad! ¹³ Ehed haknu eedak laanab amu ag bedulagpa ii bete. Iita. Danab oh aoteb amuib. Amu Kayak Nug hanhan ehanigte amu Nug ehed haknu eedak haenpa ele ehanigku. Ehed haknu eedak amu na edidmanu

Kayak Nug na ehanita, ehed haknu eedak okainab, na edidkunu elele, amu bemanu amu Nug aib aku. Ge! Haen na ehed haknu eedak aotem ele amu, haen amunab Nug na ehed haknu eedak waapa daamnanu gagatag medaku.

KAYAK GENAB, HAM BUPUAK ELE OH DIMLA-MATAKNU ELELE IIITA

¹⁴ Anam daate amunu o lailad, ag kayak ham bupuak kobel amu aib adapig. Ag uueg! ¹⁵ Ag doyak ele amunu da ag amelagpa atem, dahil nai amu ahilag dab makpa ag aka epedin anteg! ¹⁶ Ig e gun latem haenpa amu ig wain, ititak megte ele amu, ig amu lautut, amupa ig Kristus ele iite ou qetem? Amu bret laipu panaut ne, panit lautut, amupa ig Kristus ele iite ou qetem? ¹⁷ Bret laipuib daate amu ig danab ah kudum amupa bedunig laipu daatem. Adinu? Ig oh am bret laipu amuib latem.

¹⁸ Israel budub, danab amu ag heteb amu dab mekulag. Israel ag dod tepu main Kayak medteb amu ag amu lanana, ag Kayak ele laipu qag mak daateb. ¹⁹ Nai imupa amu da aditai atem? Da dod mana, kayak ham bupuak dotog metak am keeke genab atemte? O kayak ham bupuak dotog, nug am keeke genab atemte? Da anamte atem? ²⁰ Iita, amge iiita adi ag mana metak ahilagpa amu ag dod mainoudi nau medateb. Ag main Kayak ii medateb amu da ag oudi nau ele ou qak daaglagnu amu, da ool ii daate. ²¹ Ag Kristus amu oudi nau ele ou qak daaglagnu elele iiita amu ag Kristus, oudi nau ele laipu daaglagnu elele iiita. ²² Ig anam heput amu

Nadi Kristus Nug ig ele ou qak daagnignu wagai mekute? Ig nuhig gagaṭag amu edidkunignu elelete?

KRISTEN NUG HAEN OH KAYAK BINAG MEKU

²³ Genab, Kayak ig keeke hekunignu ib babaitom daate amu ig hekunignu elele amge keeke oh ig ii ehanigteb. Keeke amu oh amu ig hekunignu elele amge keeke oh amu hepeg, ig gagaṭag ii daamta. ²⁴ Danab laa nug nuka nuhignuib aib dab meum. Iita, nug danab oh ag ena daaglagnu amu nug ag ehanaṭad!

²⁵ Ag dod tepu oh daden lagpanu daden mekulag amu ag aon laig! Ag danab oopanu ulum ahilag dab menan, diig doon lakulagnu aib od madapig. ²⁶ Adinu? Wan imu amu keeke oh ele niite imu am Kayak nuhigib daate.

²⁷ Laa amu danab laa, nug Jesusnu oopa genab ii doote ele amu, nug ag gopegi, nug laugpa oh e lakulagnu onilagpa eeb amu ag gokulagnu oolag dayeb amu gokulagnu elele. Gopegi, keeke oh nug mateb amu lakulag. Diig doon lakulagnu aib od medapig. ²⁸ Amge danab laa nug ag amelagpa, “Ag dod tepu imu main kayak ham bupuak medapig,” ab, aria danab nug amelagpa aum amu ag nuhig oopanu ulum nauhmanu ele dab mena, dod amu aib lapig. ²⁹ Da danab amunu oopanu ulumnu atem. Ahilagnu iita. Da anam atem amge ag oolagpanu laa nug inam aku. “Ehe, adinu da danab laanu oopanu ulum nauhmanu dab mein, e lakulnu elele dootem ele amu, da ii lapa? ³⁰ Da dod tepu amunu da Kayak unuqiṭe lapi amu danab laa nug adinu dahilnu nai ehed aku? Da e amunu

Kayak amegpa, ‘Ena hen medame,’ awoya latem,” awa aku.

³¹ Amu genab amge ag e le ele lakulag, o keeke laa hekulag amu ag keeke amu ohpa ag Kayak binag mekulagnu aakuib dab menan heig! ³² Ag Juda danab, Grik danab amu Kayaknu kristen tamaniak dilag ele dab menana, danab ah amu ag ag anadna, kobol ahilagpa ag nena qemananu ag tutuku daan oiyeg! ³³ Da hetem amubia ag heig! Da keeke oh hetem amu danab oh ag da adi hetem amu oolag metaglagnu hetem. Da udat hetem amu daibehanidkulnu ii hetem. Iita! Da udat hetem amu danab ah kudum ehanadpi, Kayak edua diikunu aakuib hetem.

11

¹ Am da Kristus Nug kobol adi adi heum ele amu andete, da kobol amu dim lamidtem, amubia ag ele da anidnana da hetem bia heig!

KAYAK BINAG MAK HAENPA IKI HAUTAK KOBOL

² Ag hanhan dahil dab meteb, nai da ag amelagpa atem ele amu, ag tutuku aon adateb amunu da ahilagnu ool ena dayeye, ag am genab kobol ena heteb awe atem. ³ Amge ag nai imu dooglagnu da ool daate. Danab oh ikilag am Kristus, ah iki am danab, Kristus iki am Kayak. ⁴ Anam daate amunu danab nug unuqidkunu o iiña nai mehuqkunu haaha, iki haut-te, nug aaku Kayak aben mekom daate amu kakidte. Aben amuam danab nug Kristus waapa daate. ⁵ Am ah laa nug iki ii hauta, unuqidkunu o Kayak nai mehuqkunu haaha, nug ele Kayak aben mekom daate amu

kakidte. Aben amuam ah nug danab waapa daate. Nug iki ii haut-te amu ah nug iki udug oh hoite bia hete. Am uda nak ele. ⁶ Amu ah nug iki hautaknu uuete amu nug iki udug hoiad! Amge nug iki udug hoiyaknu uda nak doote dayeb amu aria nug iki hautad! ⁷ Aria danab nug iki amu aib hautom. Am adinu? Danab ag Kayak adi bia daate amu nuhig gagatag ele dotog bia daateb amge ah ag danab adi bia daateb amunu dotog daateb amunu ag ikilag hauteg! ⁸ Kayak Nug ah bedupa danab ii heum. Iita. Nug danab bedupa ah heum. ⁹ Am ele Kayak Nug ahnu dab ma, danab ah ehanidkunu ii heum. Iita. Nug danabnu dab ma, ah nug danab ehanidkunu heum. ¹⁰ Kayak Nug ah, danabnu heum amunu ah ag engel noolagpa ena daaglagnu ikilag hauteg!

¹¹ Amge ig Nadi ele ou qak daatem ele amu, ihinigpa ah nug nuka pide ii daate. Danab nug ele nuka pide ii daate. Iita. Ah nug danabnu ehaniçak aote, danab nug ahnu ehaniçak ele aote. ¹² Kayak Nug ah hekunu amu Nug danab bedu laih awa heum anamib gemu danab ahpam doteb amge Kayak Nug keeke oh Mameg daate. ¹³ Ag imu tutuku epedin anteg! Ah laa nug iki ii hauta, Kayak unuqidte amu nug kobil tutuku hetete? ¹⁴ Am Kayak Nug ig danab ah bedunig aben aben mekompa daagnignu anidtem am danab laa nug iki udug elab ele daate amuam ehed iite ipunigte? ¹⁵ Amge ah laa nug iki udug elab ele oiku amu ena, am nuhig bala. Adinu? Kayak Nug ah iki udug elab heum amunu amupa nug iki haut-te. ¹⁶ Amu danab laa nug nai imu tapeb neeb, awa awa qetek

nai mat̄iaya het̄e amu nug doyad! Ig kobol amunu do laa ii met̄em, Kayaknu kristen tamaniak oopa ele anamib daaṭe.

E GUN LANAKNU KOBOL TUTUKU

¹⁷ Aria da keeke laanu madikulnu het̄em amu da amunu binalag ii met̄em. Am inam. Ag ahi et̄aglagnu qag menana amu ag kobol tutuku ii adateb. Danab ag qag mak amupa ehanitak aolob amge iiṭa, ag nakok ehed bia aot̄eb. ¹⁸ Amu laa ag haen ag Korint ag Kayak nai dooglagnu qag met̄eb amu ag obatak obatak daaṭeb, laipu oh ii daaṭeb, anam aeg doomi amu da nakok oolpa genab doot̄em. ¹⁹ Adinu? Ag enanag ii het̄eb amunu obatak amubia genab bek̄u amge amupa Kayak Nug heeb, ag oolagpa danab aun adi ag tutuku daaṭeb ele amu, ag miag atiglag. ²⁰ Ag anam daaṭeb amu haen ag oh qag met̄eb amupa ag, “Ig Nađinu e lat̄em,” aon at̄eb amge ag anam ii het̄eb. ²¹ Iiṭa! Ag oh aka aka ahilag e aka lat̄eb amunu laa e iiṭa ele daaṭe amu, nug enug dayeye, aria danab laa nug le gagat̄ag huan lawowa kaaka qete. ²² Amu at̄emu? Ag e le ele lakulagnu laulkad iit̄ate? Ag Kayaknu kristen tamaniak amu keeke hamu bia dootebte? Ag lailkad laala, e iita ele daaṭeb amu, ag ag anadna ahilagnu dab mak ii aona, uđa nak madatebte? Ag het̄eb amu da amunu adi akul? Da ag binalag mekulte? Iiṭa! Kobol amunu amu da ag binalag iinab mepa.

²³ Da nai imu Nadi Jesus Nug odep̄a nai awen, da ag amelagpa tatam ami amu da gemu eduen baula at̄em. Nai amuam inam. “Judas Nug tuqan Nadi Jesus awa, keked epelagpa meum, tuqan

amupa Nadi Jesus Nug bret awa ²⁴ Kayak unuqitowa, pane ne amu Nug aum. ‘Bret imu amu da bedul ipunigte. Amupa da ag ehanadkul. Da ag ehanadkulnu hemi, amu ag daulagpa dokunu, ag bret, ig gemu latem, amubia laig!’ ²⁵ Ag e lana malona amubia Nug hai gokod awa, Nug aum. ‘Hai gokod imupa wain daate amu da tiil ipunigte. Da tiilpa Kayak Nug tituanak bau qagaqe. Ag lanana amu da ag ehanadkulnu hemi, amu ag daulagpa dokunu ag wain, ig gemu latem, amubia laig!’ ” Jesus Nug anam aum. ²⁶ Amu genab, ag hanhan Jesus edua ii nak haen imupa, bret imu wain imu ele lanana, ag Nadi Jesus mauhomnu nai amu mehuqteb.

²⁷ Amunu danab laa nug oo babaitak iita, nug Nadinu bret o wain hamu awa late amu, nug amupa Nadi Jesus bedu, tiig ele am keeke hamu bia doya, nug Jesus nuhigpa hipunin hete. ²⁸ Danab nug nuka epedita antowa aria nug Nadinu e gun ele amu nug lakku. ²⁹ Adinu? Danab nug nuhig oiyak elele iitapa, Nadi Jesus bedu tiig ele amu dab ii medata, nug hamu late amu nuka nuhig ab aaku late. ³⁰ Diig amupa ag oolagpa danab ah laala ag gagatag iita, laala ag ode aona, laala mauhadpig. ³¹ Ig ika ig epedita, elele anidta lakunig am bedunigpa ab iita daagnig. ³² Amu Kayak Nug ig adi hetem anika, Nug ihinig hak amu epedita, ig danab Kayak ii dim lamidteb ele oh padal ii mematanu, ig ena bekonignu Nug ig tolika, bu iqaqa bapaigte.

³³ Anam aaku amunu o dahilad, ag e lanaknu qag meteb, ag aka aka aib e paha lapig. Laala

udiglagnu amelag meig! ³⁴ Ag mauhnoak e lateb amubia tudidna labepeg, Kayak epediak baubau maṭamanu amu laa nug enug qeeb, nug nuṭa nug laugpa e lanad! Nai imu gogpa ii temi amge dimpa da uke, apa bapaidkul.

12

KAYAK OUDI NUG EHĀH DIIGDIIG KRISTEN MADATE

¹ Aria keeke laa imu ele iiču yaakulnu hetem. O lailad, Kayak Oudi Nug udat diigdiig haknu ehah megte amu da ag amunu oolag maidkunu ool daate. ² Ag dooteb, anuka ag Kayak ii doon daaegeg, haen amupa Satan eedate, ag kayak ham bpuak, ag nai ii maditeb ele amu, ag binag mekulagnu oolag yaaegeg, ag amu dim lamadna gokulagnuib hepig. ³ Amunu gemu keeke amubia baula bemanu, ag imu dooglagnu da ool daate. Kayak Oudi Nug danab laa oopa noa heeb, nai mehuqa, “Jesus Nug nob nau aokunu ool daate,” madikunu elele iita. Aria danab laa, nug oopa Kayak Oudi iita ele amu nug Kayak binag ma, “Jesus Nug Nadi daate,” madikunu ele elele iita.

⁴ Kayak Oudi Nug udat diigdiig haknu ehah amu megte amge Kayak Oudi laipu, Nug aakuib daate.

⁵ Nadinu udat diigdiig amu ig hekunig amge Nadi laipu Nugib daate. ⁶ Udat diigdiig, amu haknu ib pide pide ele daate amge Kayak laipu, Nugib udat amu haknu gagatag danab oh ag udat amu hekulagnu madate.

⁷ Danab ah ag tamaniak oopa daateb ele amu, ag nug ehaniṭak hekulagnu, Kayak Oudi amu Nug ehah diigdiig danab anen anen madate.

8 Kayak Oudi Nug danab laa nug ag dab mak ena ipuanadkunu ehah medata, Kayak Oudi laipu amuib Nug danab laa nug Kayaknu nai mehuqeb, danab ah tutuku dooglagnu ehah medate. **9** Am Kayak Oudi laipu amuib Nug laa nuhig oopa genab doyak okai medata, laa nug ode danab heeb, ena daaglagnu ehah medate. Oudi laipu amu Nug hete. **10** Am Nug laa ehah mete, nug kobol danab hekunu elele iita ele amu nug hekunu elele daate. Laa nug Kayak nai mehuqkunu ehah amu medate. Am laa nug oudi diigdiig epediadkunu ehah amu medate. Am laa nug nai laapa nai madikunu ehah medata, Nug laa nug nai amu edukunu ehah amu medate. **11** Kayak Oudi laipu amuib Nug doyak ena amu oh he bete. Nug oo daate bia danab anen anen adi hekulagnu ehah amu madaate.

TAMANIAK AM BEDU LAIPUBIA DAATE

12 Ig danab bedunig amu laipu amge laih kuđum daate. Am bedu laih kuđum amu ag oh qag meeg, bedu laipu daate. Kristusnu tamaniak ele nug anam aakü daate. **13** Kayak Oudi Nug he, ig oh bedu laipu bia daatem. Laala am Juda danab, laala am iita adi danab. Laala am begbeg danab, laala am begbeg iita. Yo ig oh Kayak Oudi Nugib aomut.

14 Aria danab bedu nug am laih laipuib iita! Laih kuđum ag daaegeg, bedu nug daate. **15** Baeg nug, “Da am epeg iita amunu da bedu imunu laih laa iita,” alo amu, amunate nug am bedu amunu laih laa iite daalo? **16** O iita daug nug, “Da am ameg iita amunu da bedu imunu laih laa iita,” alo amu, amunate nug am bedu amunu laih laa iite daalo? **17** Bedu laa oh nug amegib daalo amu nug nai

daugpa atem doolo? O iita bedu laa oh nug daugib daalo amu nug atem udig doolo. ¹⁸ Amge anam iita. Kayak Nug oo niiom bianab bedu laipupa bedupan laih naunau diigdiig ele haṭom daateb. ¹⁹ Bedupan laih naunau ag laala ii daalob amu bedu laipu ii daalo ²⁰ amunu bedupan laih naunau ag qag meeg, bedu okai laipu daate.

²¹ Amunu ameg nug epegnu, “Da daka am elele. Na da ehanidkuṭnu udat laa ii daate,” ii ama. Iita. Iki ele nug baekuḍ dilah, “Da daka am elele. A da ehanidkulahnu udat laa ii daate,” ii ama. Iitanab! ²² Amu ig bedunigpa laih laala am gai iitanab anadtem amge laih amu ag ii daalob amu ig udat laa ii helom. ²³ Amu ig bedunig laih laa, neekak enanag iita, ig ag ahilag udat heteb amupa binalag metem. Amge ig bedunig laih laa, neekak ahilag enanag ele amu, ahilag udat hak am okai iita. ²⁴ Anam aaku amu amupa ig anidtem, Kayak Nug bedunig laih oh binalag matom. Laa neekaknu, laa udat haknu amunu amupa ig bedunig laih oh am tuditak laipuib daanna, udat elele heteb. ²⁵ Amunu bedu laipu nug otiak laala ii daateb. Iita, laih naunau oh ag nug ehanidnana daateb. ²⁶ Bedu laih laa nug guitak doye amu bedu laih laa oh ag ele guitak aoteb. Bedu laih laa nug onig ena ele daye am bedu laih laala oh ag ele oolag gamag ahate.

²⁷ Ag oh amu Kristus bedu daateb, danab anen anen ag amu Nug bedu laih naunau daateb. ²⁸ Am Kayak Nug kristen tamaniak oopa nuhig udat hak danab ele anam aaku meum. Anuqak am totol danab daateb. Amu dimulagpa am Kayak nai mehuqak danab daaeg, ag dimulagpa am ipunitak

danab daateb. Aria laa amu kobol danab hekunu elele iiتا hāk danab daaeeg, laa amu ođe babaítak danab amu ehanat k danab amu uđat diigdiig gumak danab daaeeg, laa amu ab ab naipa nai mat iaknu danab daateb. ²⁹ Ag oh totol danab daatebte? O iiتا ag oh Kayak nai mehuqak danabte? O iiتا ag oh ipuni tak danabte? O iiتا ag oh am kobol danab hekunu elele iiتا hek ulagnu elelete? ³⁰ O iiتا ag oh am ođe danab bapaid kulagnu ehah elete? O iiتا ag oh am ab ab naipa nai maditebte? O iiتا ag oh am nai amu edutebte? Iiتا! ³¹ Amge ag ehah meu ena ele amu aoglagnu oolag dayeb, wagai mena hena aweg!

OONIG MAUHAKNU KOBOL

Amu oh am ena amge da geha iiku ib enanag ipuanadpi dim lamid kulagnu het em.

13

¹ Da danab amelagpa danab nailag diigdiig amu engel nailagpa ele maditem dayeb amge da laa dilagnu oo mauhak ii doot em dayeb amu da do diigdiig hamu gaateb bia o iiتا oqot  hamu o e bia daat em. ² Amu da propet nai madik ulnu, Kayaknu dab mak lokumak amu dab mak laala ele dook ulnu elele daat em dayeb, dahil oopa genab doyak gaga tag dayebbeb, amupa da qauko hepi, laih wa unu ele hek ulnu elele daat em dayeb amge da laa dilagnu oo mauhak ii doot em dayeb amu da keeke hamu bia daat em. ³ Am da keeke dahilad oh dadek danab ma oya, da Kayaknu uđat huan heina, da daka da binal mek ulnu da bedul imu kakidtem dayeb amge da oo m auhak, laa dilagnu ii doot em dayeb amu, keeke amu oh da ehanid kunu elele iiتا.

⁴ Danab nug oo mauhak ele, nug laa dilagnu paha ehed ii doote, nug laa ele ehanadte. Nug danab laa keeke kudum ena ele daye anta, nuhignu oo ii nauhete. Nug nuka onig ii humate, nug enaen ma ele ii oite. ⁵ Danab nug oo mauhak doote ele, nug laa noolagpa dagom oite, nug nuka nuhignuib ii dab mete. Nug paha opodi ii bete, nug laa ag nuhigpa ehed laa hepig amunu hanhan ii dab mete. ⁶ Danab nug oo mauhak doote ele amu nug kobol tutuku iitanu amu nug oo gamag ii ahaete. Iita, nug Kayaknu kobol genab, amunuib oo gamag ahate. ⁷ Danab nug oo mauhak doote ele amu nug ug oh maote, nug hanhan oopa genab doyak ele oite. Nug hanhan Kayak nug ehanidkunu amu dab mete. Nug ug laa maokunu amu ug ii qete, nug gagatag hibaita daate.

⁸ Am oo mauhak kobol amuam geha iita ii mema. Iita, nug hanhan daaku! Kayak nai mehuqak udat amu geha iita meku, nailag diigdiig matiaknu udat am geha iita meku. Amu doyak awaknu udat am ele iita meku. ⁹ Gemu ig keeke laipu laipu dootem am Kayak nai ele amu laib laib aaquib doot mehuqtem ¹⁰ amge dimpa kobol amuam iita meeb, meu amu geha miagib udiku. Haen amu dob am keeke oh ig ii dootem ele amu, keeke amu oh miag atieb ig doognig. ¹¹ Amu haen da nid nakok dayeye, da nid naunau dilag nai matimi. Nid naunau keeke dab medateb anam da dab metami. Da nid naunau dilag dab makpa ele daami. Amge dimpa, da danab okai mein, da nid nakok dilag kobol amu oh da editen, danab okai dilag dab mak amu da awen daatem. ¹² Anamib gemu da Kayak baegpa daye, Nug atem daate

anidkulnu amu da nuhig kobol amu laih nakok nakokib, ig keeke letod ena iitapa anidtem, amubia ante dootem, oh ii dootem. Dimpa govtak haenpa amu da Kayak atemnab daate anidkul. Genu Kayak Nug dooidte amubia da haen amupa keeke dookul. ¹³ Amunu ib ewam imu daatet, oopa genab doyak kobol amu Kayak waapa dayaya ameg mak kobol amu laa dilagnu oo mauhak kobol ele aaku. Amge ib ewam amu oh dilagnu ib anuqaknab daate, amuam laa dilagnu oo mauhak kobol.

14

KAYAK OUDINU EHAHNU NAILAA

¹ Oo mauhaknu kobol anam daate amunu ag hanhan danab ah laa dilag oolag mauhkuu wagai menana, aria Kayak Oudinu ehah oh amu ag aoglagnu oolag dayad! Amge ehah anuqak amu ag Kayak nai mehuqaknu amu aoglagnu wagai meig! ² Adinu? Ig dootem, danab nug nai laapa nai madite, nug danab ah ele nai ii madaate. Iita. Danab ag nai amu ii dooteb amunu nug Kayakib amegpa ate. Kayak Oudinu gagatag he, nug nai lokumak madite. ³ Amge danab nug Kayak nai mehuqte, danab amu nug nai matieye, danab dilag oopa genab doyak gagatag qedate, kobol ena dim lamidkulagnu gagatag madate amu ag oolagpa madod daakunu gagatag ele madate. ⁴ Danab nug nai laapa nai madite, nug nuka oo gagatag medate. Amu danab nug Kayak nai mehuqte, nug kristen tamaniak, ahilag oopa genab doyak amu gagatag qedate. ⁵ Ag oh ab ab nailkad laalapa nai matiglagnu ool daate amge ag Kayak

nai mehuqkulagnu amu da ool huana daate. Danab nug nailkad laalapa nai madiqe ele amu, nug danab Kayak nai mehuqte ele amu ii edidte. Iita. Nug nai amu kristen tamaniak ag oolag gagatag qedaqunu edueb, nug Kayak nai mehuqak danab bia daaku.

⁶ O lailad, nai imu ag tutuku dab metan adeg! Da ag gumaqe uke, nailkad laalapa nai madakul amu da ag atem ehanadkul. Iita amge da nai ag dooteb ele amu, nai amupa Kayak Nug da nai adi amelagpa akulnu ipunidom amu api dooglag, o iita doyak ena ag madakul, o iita da Kayak nai mehuqe ib ena ipuanadkul, o iita da ipunitak nai api dooglag amu amupa da ag ehanadpi, ag Kayak tutuku dooglag. ⁷ Keeke bau iita, oqoti ote, dumutum o iita gita keeke, nuhig baag ena ele amge oqoti ena diigdiig ii heeb amu ig oqoti ena atem doolom? ⁸ Amu biugal baag ena ii gayeb am aun nug aha, ban hekunu bapaidku? ⁹ Amubia ag ele nailkad laalapa nai madipeg amu laa ag atemun geha ahilag nai amu dooglag? Iitanab. Nai ag matiglag amu aun dooku? Laa iita. Qetodku. ¹⁰ Genab, danab nainig pide pide kuđumnab wan imupa daate. Nai amu oh oopa amu laa nug hamu ii daate, nai amu oh amu diig ele. ¹¹ Anam daate amunu aria danab laa nug nai laa da ii dootem elepa da amelpa nai matieb, da ootot daapi, nug dahlnu, “Danab umu am ab laa ted,” awa akul. Da ele geha nuhignu, “Nug am ab laa ted,” akul. ¹² Amu ag ele anamib, amu ag ele Kayak Oudiñu ehah aoglagnu oolag huana daate amunu Kayak Oudi Nug ag kristen tamaniak gagatag madakunu ehah amu ag madakunu wagai meig!

13 Diig amupa amu danab laa nug nailag laapa Kayak nai mehuqt^e amu nug Kayak gagat^{ag} meteb, nug nai amu edukunu elele daakunu unuqid^{ad}!
14 Ag imu dab menan autna aweg! Da nailag laapa nai amupa unuqid^{em} dayeb amu daoudil aakuib nug unuqid^e. Am dab mak dahil amu hamu daate. **15** Amunu da atem hekul? Da unuqidkul amu daoudil, dahil dab mak ele ohpa unuqidkul. Da ahi edakul amu daoudil dab mak ele ohpa ahi edakul.
16 Na anam ii hena, oudinpaib nai laapa, Kayak unuqidna, “Ena heme,” abepe amu danab laa nug am atemun unuqitak nahip gagat^{ag} qedaku?
17 Na heme am genab, na Kayaknu ena heme aon, amegpa anana, binag meme amge na heehe, danab laa nug Kayaknu ehanitak, ig ehanigte amu, nug ii doyom.

18 Da haen kuđum nailag laalapa, Kayak binag metem. Da kobol amu okainab hein, ag edadtem. Da anam hetem amunu da Kayak amegpa, “Ena heme,” awe atem. **19** Da anam hetem amge kristen tamaniak qag makpa amu da nai onig tanig elepa nai madipi, danab ag oolag maiteb, meu aoglag am enanag. Amge da nai onig 10,000 nailag laapa nai madipi, danab ag nai amunu meu ii aoglag am ena iita.

20 O lailad ag dab maknu amu, ag nid naunau, dab mak tutuib aon oiteb, amubia ag aib oipig amge ag hipuninnu amu ag nid yud, hipunin doonna ii heteb, amubia ag hipunin aib hepig. Ag danab okai dilag dab mak aon oiyeg! **21** Kayaknu do naipa nai imu daate. “Da laihnu danab, ag nailag laa, Israel ag ii dooteb ele amu, da danab

amu maadpi ag Israel gumadna udina, ag ag odelagpa nai madakul amge amupa ele Israel ag dahil nai ii doomna,” awa aum.

²² Amupa ig dootem, danab laa nug nailag laapa, oopa genab doyak danab ehanadkunu ii daate. Iita. Kobol amuam danab ag oolagpa genab ii dooteb ele, ag danab anam heqe ele, amu anidna doona, ag oolag edukunu daate. Amge Kayak nai mehuqak amuam danab ag oolagpa genab dooteb ele, ag gagatag aqakunu daate, oolagpa genab ii dooteb ele gagatag aqakunu iita. ²³ Anam daate amunu kristen tamaniak danab ah oh ag qag mena, ag nailag pidje pidjepa nai madipeg, danab laala ag oolag ii maidte o iita ag oolagpa genab ii dooteb ele amu ag ahilag qag mak oopa nona anadna, ag, “Ag kaaka aqom,” aon akulag. ²⁴ Aria ag oh Kayak nai mehuqpeg, danab laa nug oopa genab ii doote, o iita nug oo ii maidte ele amu, nug qag mak oopa nob, ag oh ahilag nai amu danab amu oopa noa dayaya heeb, geha danab amu nug am hipunin danab daate doyeb, ag nai madipig ele amu, nug epediku. ²⁵ Nai oh amu nug oopa noa, adi lokumom daate ele amu oh heeb, miag atieb amu geha nug dup noa, idu wanpa nob amu nug Kayak binag ma, nug odepia, “Genabnab, Kayak Nug ag oolagpa daate,” awa aku.

KRISTEN AG ATTEM AHI ETAGLAG

²⁶ Anam daate amunu o lailad, ag atemtai hekulag? Ag inam hekulag. Haen ag oh qag meteb, laa nug ahi etak udat heebbeb, laa nug gagatag aqaknu nai ipuanatebeb amu laa nug Kayak nai ipunitom amu mehuqku. Amu laa nug nailag

laapa nai matiebeb am laa nug nai amu edukku. Ag keeke amu oh anam hekulag amge ag keeke oh kristen tamaniak gagatag qekunu heig! ²⁷ Am laala ag nailag laapa nai matiglagnu heteb, aria adit o ewam aakuib ag anam hekulagnu am elele amge ag oh haen laipu aib madipig. Iita. Laa tatam matieb, laa matiad! Am laa nug nai amu eduad! ²⁸ Kristen tamaniak qag makpa laa nug nailag laapa nai matieb, laa nug nai amu edukunu ii dayeb amu danab nug nai madite ele amu, nug ode qamutad! Nuka Kayak eleib nai matied!

²⁹ Danab adit o ewam, ag Kayak nai mehuqak danab, ag anen anen nai mehuqpepeg amu, laa ag bia amu ag nai amu epedieg! ³⁰ Am Kayaknu nai mehuqak danab laa nug hedep na dayeb, Kayak Nug nai ipuniteb amu nug hibaiteb, laa nug nai madite ele nug ode qamuteb, laa amu nug nai madiku. ³¹ Geha ag kobil amu hepeg, ag anen anen oh ahan, nai mehuqaknu elele daapeg, geha danab oh ag doyak amu aon, ag oh gagatag aoglag. ³² Kayaknu nai mehuqak danab ag am nai mehuq

kulagnu nug meh qak ii hemananu, ag gagatag Kayak epega aon daateb. ³³ Adinu? Kayak Nug heeb, ig mauhnoak daagnignu ii hete. Iita. Nug heeb, ig oo laipu, madod ele daagnignu hete amunu ag nug meh qak ii hemana.

³⁴ Kristen tamaniak qag mak laa ohpa ah ag nai ii maditeb, amubia ahilag kristen tamaniak qag makpa ele ah ag nai ii matimna. Ag odelag qamutna daaglag. Kristen tamaniakpa ah ag anuqak ii daateb, do ate bia ag waapa daateb. ³⁵ Ah ag nai laa diig dooglag oolag dayeb amu aria ag laulagpa

ahilkad danab od maṭaglag. Ah nug Kristen tamaniakpa nai mehuqku amu nug kobil elele ii hete.

³⁶ Amu atemtai? Kayaknu nai diig amu ag Korint agte? Agibte aaku Kayak nai aopig, danab ah laala ag amu iitate? ³⁷ Danab laa nug, “Da am Kayak nai mehuqak danab,” dab mete dayeb o nug, “Kayak Oudi Nug dab mak ipunidte,” dab mete dayeb amu aria nug nai da ahilagpa yaaṭem imu amu, nug amunu, “Nadinu do anam daaṭe,” ele anad! ³⁸ Aria danab amu nug nai imu dab ii meteb amu aria ig doognig, nug Kayaknu nai mehuqak danab iita.

³⁹ Amunu o lailad, ag Kayak nai mehuqkulagnu udat amu aoglagnu gagatag heig! Laa ele amu ag nailag laalapa nai matiglagnu aib do mepig ⁴⁰ amge ag kristen tamaniak oopa, qag mak ahilag, nug ena elelenab daakunu amu ag tutuku heig!

15

KRISTUS NUG MAUHOWA EDUA HIBAITOM

¹ O lailad, da ahilag dab mak, Nai Enanu, mad edakulnu hetem. Da tatam dig makpa Nai Ena amu mehuqe ipuanati, ag Nai Ena amu doon adan, amupa ag Kristus nuhigpa gagatag bepig daaṭeb. ² Ag da Nai Ena ag amelagpa mehuqmi ele amu, ag gagatag adaṭeb dayeb amu Kayak Nug nai amupa ag edua diiṭe. Ag gagatag ii adaṭeb dayeb amu ag hamu oolagpa genab doopig.

³ Da ipunitak aomi amu da nai amu ag amelagpa mehuqi doopig. Nai amu inam. Kayak naipa, nai daaṭe amubia Kristus Nug ig oh ihinig hipunin uhuqa megaku mauhom. ⁴ Ag Nug men ode modpa boomeg amu ded ewampa Nug

Kayak naipa, nai daaṭe bia, Nug edua hibaitom.
⁵ Amu Nug Petrus gumiṭa uke ante, dimpa Nug nuhikud ipunitak awak danab laa gumata uke anidpig. ⁶ Amu dimpa nug nuhikud dim lamiṭak danab 500 laa ele gumata uke anidpig. Genu amu ag oolagpan kuḍum bau daaṭeb amge laipu laipu mauhpig. ⁷ Aria amu dimpa Nug Jakobus gumiṭa uke ante amu Nug totol nuhikud oh gumata uke, ag ele Nug anidpig. ⁸ Aria da am nid yud anig dimnab menuom bia daaiyi, Kristus da gumiḍa udie anidmi.

⁹ Amu da totol danab oolagpanu amu da onig iita bia daatem. Adinu? Da Kayaknu kristen tamaniak amu hepi, iita mekulagnu eheq hadmi amunu dahilnu danab ag, “Nug totol danab,” aon akulagnu elelenab iita. ¹⁰ Amge Kayak Nug da ehanitak okai hamu mede, da genu atem daatem amu ehanitak nuhig amupa aaku daat̄em. Nug da ehanitak okai hamu mede amu da bedulpa hamu ii qetodom. Iita. Da udat gagat̄ag heinne, genu ele hetem. Totol danab laa ag da udat gagat̄ag hetem bia gagat̄ag ii heṭeb amge da daka ii hetem. Iita! Kayak Nug da ehanitak okai hamu mede, da amupa amu hetem. ¹¹ Amge daibte udat okai hemi o iita totol laa agte udat okai hepig, amuam keeke okai iita. Keeke laipuib anuqak daaṭe am, ig oh Kayaknu nai laipuib mehuqtem, aakuib amu ag Korint danab amu ag nai amu ag oolagpa genab doot̄eb.

DANAB MAUHPIG EDUA HIBAITAKNU NAI

¹² Amge haen oh ig Kristus Nug mauhe, Kayak Nug he, Nug edua hibaitom, nai amu ig mehuqtem

amunu atemun ag oolagpanu laala ag nai inam aon madiṭeb? “Danab mauhom, nug edua ii hipaidma,” aon aṭeb. ¹³ Am danab mauhom, nug edua ii hipaidlo, nai amu genab daalo amu ig inam ele doolom. Kayak Nug he, Kristus Nug ele edua ii hibaitom amge anam iitä. ¹⁴ Kristus Nug edua ii hibaitom am genab dayeb amu aria nai ig mehuqtem am hamu, kaya naiib. Ag oolagpa genab dooteb ele amu, keeke amu ele am meu iitä, keeke hamu. ¹⁵ Anam dayeb amu aria ig ham bpuak danab daatta, Kayak nai amu mehuqtem. Adinu? Kayak he, Kristus edua hibaitom, nai amu ig miag atiak mehuqtem. Amge, genabtai Kayaknu gagatagpa mauhak danab ag edun ii hipaidkulag aria Kristus ele Kayaknu gagatagpa edua ii hibaitom. ¹⁶ Ao, danab mauhpig ele amu ag Kayaknu gagatagpa genab edun ii hipaidkulag amu aria ig inam ele doognig. Kristus ele Nug Kayaknu gagatagpa edua ii hibaitom. ¹⁷ Amu Kristus Nug Kayaknu gagatagpa edua ii hibaitom am genab dayeb amu oopa genab doyak ahilag amu ag ii ehanadma. Nug ag hipunin ahilag ii uhuqa matom daat̄eb. ¹⁸ Anam dayeb amu danab ag Kristusnu oolagpa genab doon mauhpig ele amu, ag ele padal mepig. ¹⁹ Ig Kristusnu oonigpa genab doota, ig Nug ameg metem ele amu, ig wan imupaib nuhig ehaniṭak aognignu daat̄em dayeb amu ihinignu gadonnab. Amge anam iitä.

²⁰ Kristus Nug mauhom amu Kayak Nug genab-nab he, Nug edua hibaitom. Nug dat̄a e bau odue, dig men aot̄eb amubia Nug danab mauhak amu ag oolagpanu Nug tatam anuqa edua hibaitom.

21 Ig danab ig mauhtem, amunu diig am danab laa nug he, kobol amu beum. Amubia danab edua hibaiṭaknu kobol ele amu, danab laa Nug he, kobol amu beum. **22** Amu inam. Adam hipunin heum amunu danab oh mauhteb. Anamib aaku Kris-tusnu udat okaipa amu dānab oh ag bau daaglag.

23 Anam amge amu oh anen anen, ahilag haenpa awaknu. Tatam Kristus Nug edua hibaiṭom, aria dimpa Kristus Nug edua udieb, laa ag nuhigpa daaṭeb ele amu, ag geha edun hipaidkulag. **24** Aria, amu dimpa Kristus Nug heeb, gabman udat, iki dayak udat amu gagatag diigdiig ele amu oh heeb, iiṭa mepeg, Nug ḍo madod amu Kayak, ig Ma-menig, Nug epegpa meebley, haen nug aaku gogpa teku. **25** Adinu? Kristus Nug keeke ohnu gumak danab dayeb, Kayak heeb, Kristus Nug nuhikud keked oh tabaṭeb, ag nug baeg waapa wakulag. **26** Nug keeke laala oh amu edaṭeb, Nug waapa daapeg amu Nug geha mauhaknu ebehi ele okula heeb, iiṭa meku. **27** Kayak naipa, nai laa amunu inam daate. “Kayak Nug keeke oh Nug waapa meum daate.” Kayak nai amuam Kayak Nug keeke oh Kristus waapa meum ipunigte amge Kayak Nug nuṭa keeke amu oopa ii daate am ele miag atiak daate. Iita, Nug keeke laa oh Kristus waapa meum. **28** Aria dimpa, keeke oh Kristus waapa daapeg amu Nug, Nug am Kayak Beka, Nug nuṭa Nugib ha, Nug Nug Mameg Kayak, Nug keeke oh Nug Beka waapa meum ele amu, Nug Nug waapa daaku. Amupa Kayak, Nug keeke oh gumak iki anuqak daaku.

29 Ig mauhaknu edut ii hipaidlom amu adinu danab laala ag danab mauhpig amu oulag layatāk

aoteb? Ag adi dab menana, anam heteb? ³⁰ Aria danab mauhpig ag edn ii hipaidkulag dayeb amu ig ele hanhan danab laala ag ig ehed heigkulagnu heteb amu, adinu ig ug amu maotem? ³¹ O lailad, ded oh da mauhak abenpa oitem. Ig oh ihinig Nadi Jesus Kristusnu daatem amunu da ahilagnu gamal genab ahate, amubia da amuam genab dootem. ³² Danab mauhpig ele, ag edn ii hipaidkulag dayeb amu haen da Epesus ipa daaiyi laala da Jesusnu nai mehuqtem diig amunu iupeg mauhkulnu hepig amu ug amu mawak am diig iitanab. Genab anam dayeblob amu ig, “Haen elab iita ig mauhkulnig amunu ig e le ele aot latu!” dab meta doolom. ³³ Ham bupualadmananude dab meig! Danab nau ag anam maditeb ele amu, ig ag ele oignig amu geha ag ihinig dab mak hepeg kobolieb, ag oiteb bia oignig. ³⁴ Ag dab mak tutuku awona, ag hipunin baula aib hepig! Ag oolagpan laala ag Kayak ii dooteb. Da nai maditem imu, ag amunu udalag nelo am ena.

BEDU EDUA AHAKU AM BEDU DIIG LAA

³⁵ Aria danab laa nug inam ana od meku. “Danab mauhpig, ag atem edn hipaidkulag. Ag edn hipaidkulag amu ag geha bedulag atem aoglag?” awa aku. ³⁶ Na am nakok kaakate? Imu na dootem, na wit aeg keeke ebatem amu qadu beebeb, aeg nug ii bedaku amu nug geha bau ii daama. ³⁷ Na keeke ebtem amu, na keeke dimpa bete, gumu udug ele, keeke amu ii ebtem. Iita. Na am aegib ebtem. Wit aeg o e laa aeg keeke. ³⁸ Amge Kayak, Nug dab mak nuhig dim lamita, Nug gumu udug ele medate. Nug e idu diigdiig

ohnu amu anen anen gumulag udulag ele anam madate. ³⁹ Ig bedunig oh am idu laipu iita. Danab nug bedu idu laa amu dod ag bedulag idu pide laa. Amu ai ag bedulag idu laa, am kakai ag bedulag idu diig laa. ⁴⁰ Laa ag hab atan daateb amu ag bedulag laa, wanpa daateb ele amu ag am bedulag laa, hab atannu keeke amu ag bala laa, wanpan keeke ag bala ahilag laa. ⁴¹ Aam nug nuhig bala laa, kalam nug nuhig bala laa, amu hodopai ag ahilag bala laa, am hodopai ag ele ahilag bala idu pide pide.

⁴² Keeke oh anam hatom daateb amunu danab mauhpig edun hipaidkulag amu kobol anamib aaku. Bedu ig boomtem amu, nug nauhte, bedu edua hibaitaknu amu nug ii nauhte. ⁴³ Bedu ig boomtem amu, nug keeke binag ele iita, bedu edua hibaitaknu amu enanagnab, binag ele. Bedu ig boomtem, nug am gagatag iita. Bedu edua hibaitaknu amu nug am gagatag. ⁴⁴ Bedu ig boomtem, nug amu wanpanu. Bedu edua hibaitaknu amu nug amu hab atannu. Am wanpan bedu genab daate dayeb amu hab atannu bedu ele aaku genab daate. ⁴⁵ Kayak naipa, nai amunu inam daate. “Danab dig mak heum, onig Adam amu, Kayak he, nug am bau dayom.” Amge dimpanu Adam, Nug am Oudi laa, bauklel megakunu daate. ⁴⁶ Amge hab atannu bedu nug amu tatam ii bete. Iita, wanpanu bedu anuqte, hab atannu am dim bete. ⁴⁷ Adam tatamnu amu Kayak Nug wan awa danab amu heum. Adam dimnu amu hab atannu udiom. ⁴⁸ Danab oh ag am wanpanu danab daateb amu, ag oh am danab dig mak heum ele nug bia daateb. Danab ag am hab atannu danab amu ag am laa hab

aṭannu neum bia daaṭeb. ⁴⁹ Ig kristen amu, ig gemu wanpan danab amubia daaṭem, anamib geha ig hab aṭannu danab, Nug bia daagnig.

⁵⁰ O lailad, da ag amelagpa aṭem. Wanpan bedu nug Kayaknu do madodpa daaṭunu elele iīta. Keeke bedṭe ele, amuam wanpan bedu, amu keeke ii bedṭe ele, amuam Kayaknu do madod, amu aokunu elele iīta. ⁵¹⁻⁵² Anteg! Da nai tonak daate ag amelagpa iīku otule, miag madit̄em. Ig kristen oh amu ii mauhmata. Iita kristen aun aun ag gogtak haenpa biugal gayebeb, bau daanna, ag ii mauhmana. Ag am ii mauhmana amge ig oh, mauhak am ii mauhak ele, haen amupa ig baolignig. Yo ig pahanab, paha paha amuh papad qak bia baolignig. Biugal amu gayebeb, Kayak Nug heeb, danab mauhpig ele amu ag bedulag laa, bedulag amu ii nauhma, bedulag amu ele edun hipaidkulag. Amu ig laa, ig haen amupa bau daagnig ele amu, ig ele baolignig. ⁵³ Amu inam. Ig bedunig bedṭe ele imu amu baolia, laa awa amu ena hanhan daaku. Ig bedunig mauhṭe ele imu amu baolia, laa awa, bau hanhan daaku. ⁵⁴ Amunu ig bedunig bedṭe imu amu geha baolia, laa awa, ena hanhan daaṭunu beeb, ig bedunig imu mauhṭe amu geha baolia, bau hanhan daaṭunu beeb amu haen amupa amu Kayak naipa, nai laa daaṭe amu meu genab bek̄u. Nai amuam inam. “Kayak Nug he, mauhak iīta meum, Kayak Nug mauhak edit̄om. ⁵⁵ Mauhak, na nahip gagaṭag amu adepa daaṭe? Mauhak, na nahip ban aeg amu adepa daaṭe?” ⁵⁶ Mauhaknu ban aeg amu hipunin amu hipuninnu gagaṭag amu do. ⁵⁷ Amge ig Kayak amegpa, “Ena heme,” aot aṭunig! Nadi ihinig,

Jesus Kristus, nuhig gagatagpa, Kayak Nug gagatag amu meke, ig ban edidmut. ⁵⁸ Anam amunu O lailad, ag gagatag dayeg! Bitumtum amu aib gopig! Ag Nadinu udat okai heig! Adinu? Ag dooteb, ag Nadinu udat heteb amu geha hamu ii qetodma.

16

KAYAKNU DANAB AH DILAG KOLEKTA

¹ Gemu am da ag men dodo qag mena, Kayaknu danab ah mataglagnu heteb amunu akulnu hetem. Da tatam Galata kristen tamaniak ib ipuanati heteb amubia ag ele anam hekulagnu atem. ² Metid ohpa ag oh anen anen metid laanu dedpa men dodo aopig amu dab metanna, ag laih otin, laulagpa mepeg dayebeb, geha dimpa da gumate gopi amu ag men dodo mataglagnu matiak henana, hik ii aqama. ³ Aria da dimpa ahilagpa gopi amu ag aka danab laala ag men dodo amu aon, Jerusalem gokulagnu otiadpeg amu, da Jerusalem danab ag danab ag otiadpig ele amu, ag ag doyadkulagnu da ag pas madapi, ag amu ele aon gokulag. ⁴ Aria da ele gokulnu dayeb amu ag da ele oh gokunig.

BAG QAK NAI

⁵ Dimpa da tatam Makedonia gamag okule uk  n amu geha ahilagpa ana tekul. Ao, da geha tatam Makedonia gamagpa oikul. ⁶ Am geha da ag ele haen nakok tutuibtai ana daagnigtai, o iita da ag ele daaput ukeb, oug haen iita meeble, dimpa am da ab laapa gokulnu hebipi amu ag da omaidna gona, ibpa uuidkulag. ⁷ Da gemu Makedonia uk  n, ahilagpa tepi, haen tutuib nug idu anidkunignu

ool ii daate. Iita. Nadi Nug ab amu da ag ele haen nakok elab daagnig. ⁸ Amge da Epesus daappi ukeb, Penitkos ded doku. ⁹ Adinu? Kayak Nug dahil ib amu matu ma babai^{tom} daate am da udat nadi, danab ah kudum ehanadpi, kristen daaglagnu hetem. Amge keked ele kudum daateb.

¹⁰ Am geha dimpa Timotius, nug Na^dinu udat da hetem amubia hete ele amunu, nug ahilagpa teeb amu ag tutuk^u dab mepeg, nug geha oo madod ele ag oolagpa dayad! ¹¹ Amunu laa nug nuhignu keeke hamu bia dab maama aib di metom. Iita. Ag hepeg, nug oopa madod dayeb^{eb} aria dimpa ag nug ibpa omalpeg amu nug da gumi^{da} udiku. Da nug ameg meiyi, lailad laala oh ele daatem. ¹² Aria ig lainig Apolos, nuhignu amu da iiku atem. Haen kudum da nug amegpa, nug geha ukebeb, lailad laala ele oh gona, ag anadkulagnu ami amge nug gemu gokunu am uua autanab awom. Dimpa nug haen anta amu aria nug geha goku.

¹³ Ag Korint danab ag ib apididna ehed gomananu amu ag dab metan autna aona, ag ahilag oopa genab doyakpa gagatag ahan daan, ag danab genab daanna amu ag gagatag ele dayeg! ¹⁴ Ag keeke oh henana, ag oo mauhak doonna ag heig!

¹⁵ O lailad, ag Stepanus amu nug baekudpanu ele, ag am Grik oolagpanu ag tatam kristen bena, ag aka Kayaknu danab ehanadkulagnu oolag daye, udat amu aopig amu ag dooteb. Amu da ag inam hekulagnu atem. ¹⁶ Ag danab anam amu dab matanna, ag adi nai maditeb ele amu ag dim lamidna, aria danab laala ag danab amu ele udat heteb amu ag ahilagnu ele anam heig! ¹⁷ Stepanus,

Portunatus, Akaikas ele ag gumidna udieg amu da gamal ahom. Adinu? Ag Korint am ipa ii uditeb amge ewam imu ag udieg, ag ele oh udilob bia doyeye ¹⁸ ag da oo madod medapig. Tatam danab ewam amu ag Korint apa ag ele daanna, ag ag oo madod madapig amubia ag da oo madod medapig amunu ag danab anam amu onilag humeg!

GAMANATAK NAI

¹⁹ Kristen tamaniak Asia taliliakpanu amu ag, ag Korint daat̄eb ele amu, ag humad̄eb. Akwila, Prisila amu kristen tamaniak a laulahpa qag met̄eb ele amu, ag ele ag Nadi onigpa ag humad̄eb.

²⁰ Kristen lainkad, ipa daat̄eb ele amu, ag oh ele ag humad̄eb. Ig Kayaknu danab ah ihinig kobol opia awak elepa ag anen anen ag nug humiteg!

²¹ Da Paulus, da daka da epelpa humat̄ak nai udug imupa iiku yaat̄em. ²² Am danab laa nug Nadinu oo ii mauh̄te, nug padal mad! Nadi, na udie!

²³ Nadi Jesusnu ehaniit̄ak okai hamu megte ele amu ahilagpa dayad! ²⁴ Ig Kristus Jesus ele ou qeta daat̄em amu dahil oo mauhak ahilagpa dayad!

**KAYAKNU NAI Tituanak Bau
The New Testament in the Nobonob Language of
Papua New Guinea
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files
dated 9 Oct 2020

ed374bb9-d819-53d1-a85b-f86cce3892e1